

歴代史畧

壹

リ伊8
1058
1





門行8
號1858
卷18

歷代
史畧

明
三子人
七
月十三
日
高田早苗
大寺贈

江楚書局

歷代史略卷之一目錄

首篇

總論

附歷代興亡禪代圖

第一章 地理概略

第二章 歷史大旨

上世史

第一篇 唐虞

第一章 堯舜

第二章 三皇五帝之說

第三章 唐虞之地理官爵

第二篇 三代

第一章 夏后氏

第二章 商之興亡

第三章 周之盛衰

第三篇 諸侯本末

第一章 周代封建之制 第二章 十四國封地

第四篇 春秋

第一章 齊桓宋襄之霸 第二章 晉文秦穆之霸

第三章 楚莊之霸 附吳始興

第四章 晉業復盛 附子產相鄭

第五章 春秋末諸大事 楚靈驕而敗齊晉公室微弱王室之亂吳楚構兵孔子仕魯

第六章 吳越之興亡 附齊弑二君

第五篇 戰國上

第一章 三晉田齊興

第二章 秦孝公興 附申子相韓孟子出仕楚并越

第三章 蘇張從橫之謀

第四章 燕齊之勝敗 附孟嘗君事

第五章 趙武靈王及廉藺

第六篇 戰國下

第一章 秦連攻三晉 附秦滅周平原信陵春申好客

第二章 秦并六國 第三章 四夷遠斥

第七篇 禮俗及文事

第一章 名字姓氏及世族 第二章 冠婚喪祭之禮

第三章 文字之沿革 第四章 上古典籍

歷代史略卷一 目錄

第八篇 教育及學派

第一章 學校制度 第二章 孔孟及荀子

第三章 老子及楊墨列莊

第四章 名法諸家 附稷下諸子及屈原

附錄 三代世系齊晉及七國世系周秦列王在位年數

歷代史略卷之一

首篇 總論

第一章 地理概略

環地球而國者以數十計惟 大清建國之地開闢最早
閱時五千年更主廿餘世拓地殖民代有增廓沿及 大
清蔚為亞細亞東方之大國治歷史者欲知歷代之沿革
當先究 本朝之疆域焉

我國東界東海與日本朝鮮相望南臨南海與安南南掌
緬甸接壤西南以喜馬拉山與印度分界東北有烏蘇里
江黑龍江北有阿爾泰山西有天山蔥嶺皆以與俄羅斯

分界東西相距一萬三千餘里南北相距八千餘里面積
凡七兆二十萬方里幾居亞細亞三分之一

我國全境統名之則曰中國析言之則有中國本部東三
省蒙古新疆青海西藏之別中國本部當我國全境之東
南縱橫五千餘里面積二兆五十萬方里歷代建國皆在
其地相沿以爲居天下之中故通稱爲中國

國中連山大者數條皆發脈于崑崙山崑崙在天山之南
喜馬拉山之北羣峰東趨分爲數支東南入中國爲雪山
雲嶺岷山岷山又分二支相並而東南支爲劍山爲漢南
諸山至荆山而極北支爲朱圉嶓冢終南太華又東爲熊

耳嵩高山勢南折爲方城桐柏諸山又轉而東至天柱而
極西人謂之北嶺北嶺支脈北出者曰吳山隴山橋山雲
嶺之東南有越城騎田大庾諸嶺九疑武夷諸山蜿蜒數
千里達於東海之濱西人謂之南嶺騎田大庾之間有大
支脈北出其高峯曰衡山崑崙之一支稍北者曰祈連山
東過中國之北爲賀蘭山陰山興安嶺又東爲醫巫閭山
長白山陰山之脈東至黑水南入中國其長嶺曰太行高
峯曰恆山霍山長白山之脈南入於海崛起中國東境其
高峯曰泰山沂山

國中有二大川曰河曰江河水發源崑崙之東經積石山

卽雪山

斜過中國西北隅北出塞外遇陰山而東折謂之北河轉而南復入中國過太行橋山之間謂之西河遇北嶺而東謂之南河又轉東北謂之東河終注於渤海其水色如黃金故號黃河計長七千數百里水性湍悍流域屢變古時自南河轉北入大陸澤東北會於濕水而河東別有濟水略同今河道其後河流漸徙與濟合遂轉東南以會於淮至咸豐五年河始復北徙由大清河入海其支川大者左有汾水右有渭水洛水三水皆名著于史江水出於河源之西東南入中國名金沙江轉而東北與岷江合始稱大江東流并洞庭鄱陽兩湖之水注于東海計長八千

餘里其下流一名揚子江入江之川大者十餘而漢水長三千餘里名最著漢朝漢土之號皆本此水其外大川甚多濕水一名永定河發源太行之西北并河北諸川注于渤海淮水發源桐柏山并河南諸川匯爲洪澤湖注于東海粵江發源金沙江之東南東流三千里入於南海其大次於江河

南北二嶺橫貫中國地勢分爲三帶北嶺淮水以北爲北帶其南至南嶺爲中帶中帶之南爲南帶 大清置十八省以分轄中國其六省在北帶曰直隸山東山西河南陝西甘肅七省在中帶曰江蘇安徽浙江江西湖北湖南四

川唯江蘇安徽北境踰淮入北帶四省在南帶曰福建廣東廣西雲南一省跨中南二帶曰貴州歷代國都多在北帶黃河左右自古稱爲中原治世則常爲文物之會亂世則必爲兵爭之地今則中南二帶之富庶遠勝於北帶江淮及沿海口岸均用兵所必爭焉

東三省在直隸省東北曰盛京曰吉林曰黑龍江地勢廣袤以方里計之幾得內地十八省之七 大清初起吉林 國號滿洲南拓 盛京北取黑龍江 入關以後遂分建爲三省至咸豐中其地稍侵於俄國

蒙古當 盛京黑龍江之西中國長城之北中有大沙漠

橫亘數千里土人名曰戈壁蒙古跨沙漠而居分爲二部漠北曰外蒙古漠南曰內蒙古其直蒙古之西而與甘肅接壤者曰新疆省亦分南北二部以天山爲之界南曰天山南路一曰回疆北曰天山北路一曰伊犁

當甘肅四川西北而在祈連巴顏喀喇兩山脈之間者曰青海青海以湖而名其湖卽古之弱水西藏又在青海之西而當崑崙之南地最高山最峻金沙江及南亞細亞諸大川 瀾滄江潞江布喇麻 普特喇河印度斯河 皆發源于茲其地分三部前藏曰康中藏曰衛後藏曰藏此 大清疆域之大略也

第二章 歷史大旨

由 大清而上溯統一中國者凡十三代曰唐虞夏商周
秦漢晉隋唐宋元明據一方而為帝王者周末有七王國
秦楚齊燕 趙魏韓 漢晉之際有魏漢吳三國晉時有五胡十六國
成前趙後趙前秦後秦西秦前燕後燕 南燕北燕前涼後涼南涼北涼西涼夏 晉隋之際宋齊梁
陳相繼為南朝後魏北齊後周為北朝唐宋之際有梁唐
晉漢周五代及九國 前蜀後蜀吳南唐吳 越閩楚南漢北漢 五代及宋之時
遼金相繼為北朝北朝之西有西夏西遼其統祚政俗皆
詳見於正史

歷代正史之例創於漢司馬遷遷作史記分為五體本紀
以序帝王世家以記侯國表以繫時事書以詳制度傳以
誌人物其後班固作漢書晉陳壽作三國志宋范蔚宗作
後漢書梁沈約作宋書蕭子顯作齊書北齊魏收作魏書
唐姚思廉作梁書陳書李百藥作北齊書李延壽作南北
二史令狐德棻等作北周書魏徵等作隋書後晉劉昫等
作舊唐書宋歐陽修宋祁等作新唐書薛居正等作舊五
代史歐陽修作新五代史元託克託等作宋遼金三史明
宋濂等作元史 國朝張廷玉等作明史皆沿其例雖間
有損益而大致相同乾隆間 欽定此二十四書皆為正
史

然遷書起黃帝訖漢武帝上下三千餘年實通史之例班


陳而下斷代爲史不能貫串古今觀其會通梁武帝鑒其弊嘗命吳均作通史未克成書至宋司馬光作通鑑袁樞作紀事本末鄭樵作通志始足萃諸史之精酌因革之道然三書卷冊浩繁未易卒讀後之續者或且倍之蓋專門之學非教科之用今欲俾初學貫徹歷代得其大凡故本通鑑通志之意仿紀事本末之體略采正史析其條理以爲歷史初級

政治之得失學術之升降疆域之分合國勢之隆替代有不同然統觀歷代大抵自唐虞至秦而一變自漢至五代而一變宋元以來之風會與上古劃然不可復合故茲編分爲三大紀自唐虞三代至六國并於秦二千餘年爲上世史自秦歷漢晉至唐一千餘年爲中世史自五代歷宋遼金元至明七百餘年爲近世史取便尋覽且資考鏡焉

歷代興亡禪代圖


符號例

一統之朝用重方圍□偏安之朝及割據之大國用方圍□割據之小國用圓圍○
 禪讓篡奪用點線·克勝兼并用大線—分裂離叛用細線—繼統及改號用複線||



歷代興亡禪代圖

此



上世史

第一篇 唐虞

第一章 堯舜

開中國之治統為百王之儀範者曰帝堯帝舜帝堯者帝

嚳之子初居陶今山東曹州府定陶縣一說後為唐侯唐

在今山西太原縣繼兄摯即帝位號陶唐氏能修仁智之德以

親宗族治羣臣和諸侯太古民俗至是一變嘗命羲及和

治麻象測日行一周天之期定為三百六十六日以月行

十二周為一年置閏月以正四時飭戒百官以時治其事

眾功皆興當堯中葉洪水為患民不安其居堯命崇伯鯀

治之九年功不成堯聞虞舜之賢舉以為相舜使鯀之子禹平水土卒以成功

舜者瞽瞍之子世邑於虞今山西蒲州府父頑母嚚弟象傲舜耕

稼陶漁以事父母克諧以孝使不至姦堯妻以二女嬪於

虞舜遂相堯攝國事巡狩四嶽東嶽泰山南嶽衡山西嶽華山北嶽恆山觀諸

侯正其時月同其律呂丈尺斗斛權衡以齊遠近立民信

流其工放驩兜竄三苗殛鯀四罪而國民咸服共工驩兜

與鯀皆事堯得罪者三苗即今湖南苗獠之先據荆揚之

間今江西九江府湖北武昌府及湖南東境負險作亂故執其渠酋竄逐之堯

知子丹朱不肖遜位於舜堯崩舜即帝位號有虞氏

舜之政術以禮樂刑罰為重嘗修吉凶軍賓嘉五禮定玉

帛章服之制以詩歌音律和協神人制五等之刑曰墨劓

剕宮大辟五刑之可宥者以流放代之輕罪又用鞭朴鞭

為官府之刑朴為學校之刑或得出金贖其罪謂之贖刑

洪水之後民俗偷薄昧於倫理舜特定為五教使契敷布

於民五教者父義母慈兄友弟恭子孝也中國儒教蓋自

此始舜在位五十年亦以其子商均不肖遜位於禹

第二章 三皇五帝之說

自唐虞而上邈不可考古書有三皇五帝之號而不指名

其人史家或以太皞炎帝皇帝少皞顓頊為五帝或以黃

歷代史略卷一
帝顓頊帝嚳堯舜爲五帝或以太皞炎帝黃帝爲三皇以少皞顓頊帝嚳堯舜爲五帝或以天皇地皇人皇爲三皇以太皞炎帝黃帝堯舜爲五帝或曰太皞炎帝黃帝直相承而帝或曰太皞傳十五世炎帝傳八世眾說不一世莫能定

所謂天皇地皇人皇者非必實有其人後人徒設其名以表三才開始之序也舊史記太皞炎帝黃帝之事頗多荒誕然創制之功實自三帝始盛如太皞始畫八卦造書契制嫁娶結網罟養犧牲造琴瑟炎帝始造耒耜教民耕稼嘗百草製醫藥教民日中爲市交易百貨黃帝始作器用創貨幣作舟車制衣冠營城邑命倉頡制文字大撓作甲子容成作麻隸首作算數伶倫作律呂元妃嫫祖教民育蠶民生利用之事皆出於羣聖人之制作後世雖有損益莫能出其範圍

唐虞之世距今四千餘年計其時距太古開闢之初當亦不下數千年蓋開闢之初民生蠢然一穴居野處飲毛茹血之世而已自非神聖迭生明於庶物察於人倫積數十世之經略無由建此文明之國而三皇五帝之事遠而無徵年代世系亦難詳考至唐虞時人文旣開規模大備史氏紀載始可得而述焉

第三章 唐虞之地理官爵

史稱黃帝畫野分州得百里之國萬區是州國之名起自黃帝然唐虞時聲教所及僅四千餘里萬區之說無可指證舜禹既平洪水始畫九州一曰冀州在黃河之北即今直隸北境及山西全省也二曰兗州在河濟之間今直隸南境山東西北境也三曰青州自渤海至泰山今山東中部以東也四曰徐州自泰山至淮今山東南境江蘇安徽北境也五曰揚州自淮至南海今江蘇安徽南境及江西福建浙江各省也六曰豫州自南河至荆山今河南及湖北北境也七曰荊州自荆山至衡山之南今湖北南境及

湖南也八曰雍州在西河之西今陝西北境及甘肅也九曰梁州在華山西南今陝西南境及四川也後又改爲十二州分冀東恆山之地爲并州其東北醫巫閭之地爲幽州分青之東北至朝鮮北境爲營州夏時又復其舊爲九州

堯都平陽

今山西平陽府

舜都蒲坂

在蒲州府永濟縣東南

皆在冀州西南

其時九州又分五服近都之地方千里曰甸服天子之國也甸服之外有侯服侯服之外有綏服皆諸侯所國綏服以內殆三千里文教先被之地古所謂中國也綏服之外有要服荒服各種夷狄居之東方曰夷南方曰蠻西方曰

戎北方曰狄在九州中爲羈縻之部落以時貢其方物
唐堯之時已有百官而不詳其職掌舜時命禹爲司空總
理庶政棄爲后稷播百穀契爲司徒主教育皋陶爲士主
刑罰垂爲共工治百工伯益爲虞掌山澤伯夷爲秩宗典
祭祀之禮夔典樂教胄子龍爲納言出納帝命帝都官制
可考者惟此九官九官皆協其職而禹皋陶稷契益最顯
故曰舜有臣五人而天下治

諸侯之爵有五曰公侯伯子男分封其國於十二州每州
立一牧以爲之長牧又統於四岳四岳或曰一人主四方
或曰方各一人五載之中天子一巡狩諸侯四朝其有功
者賜以車服岳牧及帝都之官又有考功之制三歲一考
三考乃行黜陟

第二篇 三代

第一章 夏后氏

禹之治水也居外八年三過其門而不入陸行乘車水行乘船泥行乘橈山行乘欂決九川至海濬畎噲至川通道路開水運因定九州貢賦立五服之制萬邦乂安四夷來王唯苗民桀驚不服禹奉舜命攻逐之自是苗種益衰不能復抗華夏舜崩禹受禪為元后號夏后氏都安邑今山西解州夏縣不稱帝而稱王王亦至尊之號也是後三代之君皆稱王禹令九牧貢金鑄九鼎圖百物之形三代相傳以為王者寶器

禹崩子啟賢能承繼禹業諸侯有扈氏無道啟與戰於甘

滅之扈國今陝西西安府鄠縣甘扈之南郊啟子太康淫放失國遷於河南

而崩弟仲康立仲康崩子相立夏后氏衰有窮后羿逐相

而代夏政窮國今山東濟南府德州北用寒浞為相寒國名在山東萊州府濰縣東羿

善射荒於遊畋寒浞專國內外咸服羿為家眾所殺浞因

羿室生澆及豷後使澆用師滅斟灌斟尋氏斟灌故城在山東青州府

壽光縣東北斟尋故城殺夏后相相妃有仍氏女方娠逃

歸於有仍生少康焉及長為有虞庖正虞舜後封國今河南歸德府虞城縣

有田一成有眾一旅能布其德以撫夏眾夏遺臣靡收二

國之燼以滅浞而立少康少康滅澆於過國名在山東萊州府城西北

使其子季杼滅豷於戈國名所在不詳夏復興焉少康崩季杼嗣位

自杼歷六世至孔甲好方鬼神事淫亂夏后氏德衰諸侯

畔之孔甲後三世曰癸暴虐號為桀伐有施氏有施以末

喜女焉有寵所言皆聽崇侈縱慾以殫民財關龍逢諫桀

殺之國人大崩遂為商湯所滅夏后氏有國十有七世凡

四百有餘年世系見卷末附錄以下商周及周末諸大國皆同

第二章 商之興亡

湯子姓契之後也契為唐虞司徒封於商今陝西商州傳十餘

世至湯居亳今河南歸德府與葛今歸德府甯陵縣為鄰湯事之葛伯

放而不祀曰無以供犧牲也湯遺之牛羊葛伯食之又不
 以祀曰無以供粢盛也湯使亳眾往為之耕老弱饋食葛
 伯率其民要而奪之不授者殺之湯始用師征之征十一
 國而諸侯無敵者初莘國名今河南開封府陳留縣人伊尹見桀有所
 告不用伊尹去之湯使人聘之乃歸湯凡五就桀五就湯
 遂相湯伐桀放之南巢今安徽廬州府巢縣諸侯奉湯為天子都於
 西亳今河南河南府偃師縣是為商王成湯號伊尹曰阿衡湯孫太
 甲顛覆湯之典刑伊尹放之桐今河南河南府偃師縣西南五里三年太
 甲悔過自怨自艾以聽伊尹之訓尹乃奉歸於亳太甲修
 德諸侯歸之廟號太宗

自太甲歷四世至太戊用伊陟為相勤於政事商道復興
 廟號中宗太戊之後商寢衰亂然十餘世間賢君三作曰
 祖乙盤庚武丁盤庚之時已都河北今河南衛輝府淇縣盤庚渡河
 南復居成湯之故居治亳之殷地自是商又號殷武丁久
 勞於外學於甘盤及即位三年默以思道使人求四方之
 賢聖有傳說者隱於傅巖在山西解州平陸縣東北築道以供食武丁
 舉以為相殷大治諸侯咸朝伐鬼方夷狄之大國所在不詳三年克
 之廟號高宗

自高宗歷四世至武乙復遷於河北武乙無道陵侮天神
 曾孫帝辛號為紂有智辯材力過人伐有蘇氏獲妲己嬖

之厚賦稅重刑辟縱淫樂為長夜之飲國民怨望諸侯畔之

是時西伯昌興於雍州昌姬姓后稷棄之後也棄仕唐虞

教民稼穡封於邠今陝西乾州武功縣子孫世為后稷以服事有夏

及夏衰不復務農后稷不窋失其官自窋于戎狄之間不

窋孫公劉遷於邠今陝西邠州復修后稷之業庶民懷之歷八

世至古公亶父獯鬻北狄大國攻之乃去邠邑於岐山之下國

號周今陝西鳳翔府岐山縣邠人慕其仁從徙焉亶父長子曰太伯

少曰季歷季歷娶太任生昌太任賢教昌有方古公卒太

伯不嗣逃奔蠻夷以讓季歷立稱公季公季卒昌立

昌施仁政諸侯歸之紂召昌囚於羑里城名在河南彰德府湯陰縣北七

年諸侯皆從之囚紂懼而歸之命為西伯得專征伐伯者

諸侯之長也虞今山西解州平陸縣芮芮城縣之君爭田久而不平

乃朝周見周人貴禮讓慚而去俱讓其田以為閒原昌禮

賢下士泰顛闕天散宜生之徒皆往歸焉伯夷呂望避紂

居海濱聞西伯善養老亦歸之西伯伐崇國名在陝西西安府鄠縣三

旬不降退修教而復伐之因壘而降因作豐邑在鄠縣豐水上徙

都之商王已失民心周德日盛西土咸服澤被江漢三分

殷土有其二以服事殷

昌卒太子發嗣為西伯以呂望為太師號師尚父時紂暴

虐不止庶兄微子啟去而之其封國王族箕子佯狂為奴

津名在河南懷慶府孟縣南

諸父比干諫而死於是西伯發東至孟津

大會諸侯會者八百國遂率以伐殷師尚父督師戰於牧

野殷都南郊殷師潰紂自焚死微子降商為王六百有餘年而

第三章 周之盛衰

亡紂於湯為十六世孫其間兄終弟及者甚多凡三十世

西伯發既代商為王追尊古公曰太王公季曰王季諡昌

曰文王大封建宗族功臣封太師呂望於齊封王弟周公

旦於魯齊魯見三篇第二章立紂子武庚為殷後使王弟管叔蔡叔

霍叔監之王問道於箕子箕子以洪範授之洪範猶言大

法上世治道之要目也王封箕子於朝鮮而不臣子孫為

箕氏有國九百餘年當時所謂朝鮮者今朝鮮西北境也

箕子施教夷俗丕變朝鮮開化自此始

王在位七年而崩諡曰武王子成王誦幼周公為太宰攝

政當國召邑名在陝西鳳翔府岐山縣西南公奭為太保保王躬管蔡流

言曰周公將不利於孺子遂與武庚為亂奄徐淮夷並興

奄國故地在山東兗州府曲阜縣東徐夷故城在安徽泗州淮夷淮南之夷周公東征殺武庚

管叔放蔡叔伐奄三年討其君淮徐皆平封微子於宋見三篇第二章

以紹殷祀夏商盛時雖稱治平而世猶質朴禮制未

甚明周公多才藝制禮作樂更定制周之文物於是燦

歷代史略卷一
然至今以為極盛之世

初武王作鎬京於渭南謂之宗周此後世長安之地今為陝西首府曰西安武王又將營東都未果成王遷殷民於洛濱因作洛邑周公興工築王城是為東都此後世洛陽之地今河南河南府治之王至東都受諸侯朝命周公留治而還鎬京自陝原在河南以東周公主之自陝以西召公主之德化大行成王崩子康王釗立時周公已卒召公與畢邑名在西安公高相之畢公者武王庶弟也成康之際國內安甯史稱刑不用者四十餘年

康王崩子昭王瑕立昭王南巡狩不返子穆王滿立世傳

昭王濟漢漢濱人以膠船載之中流船解王溺死焉穆王

將征犬戎

西戎一種當陝西鳳翔府附近地

祭公謀父

周公之胤國在河南開封府鄭州東

諫曰先王耀德不觀兵王不聽征之自是荒服者不至穆王肆意周遊謀父作詩諷之以止王心王是以得沒于宮

自穆王歷共王懿王孝王夷王至厲王悅榮夷公以為卿士榮公好專利以教王諸侯不朝王行暴虐國人謗王王得衛巫使監謗者以告則殺之國人莫敢言道路以目王喜曰吾能弭謗矣召公虎曰是障之也防民之口其害甚于防川王不聽三年國人作難流王於彘邑名在山西霍州東北王

子靖在召公之宮國人圍之召公以其子代靖死靖因得脫諸侯釋位以間王政者十四年號曰共和及厲王死於彘奉靖即位是為宣王

是時四夷皆已畔周獫狁北狄大國內侵逼京邑宣王命尹吉甫伐之追至太原今山西太原府又命方叔南討荆蠻召公虎東

平淮夷王親率六師征徐夷樊仲山甫輔王賦政于外王職有闕山甫補之王化復行周室中興既而政稍衰魯武

公以二子括戲見王王命少子戲為魯太子仲山甫諫曰是教逆也王不聽武公卒戲立是為懿公魯人殺之而立括之子於是宣王伐魯立懿公弟孝公稱諸侯由是不睦

宣王崩子幽王宮涅立幽王討褒姒姓國今陝西漢中府褒城縣褒人納

女曰褒姒王嬖之廢申后以褒姒為后生伯服號文王弟號叔所

太子宜臼而立伯服宜臼奔申姜姓國今河南南陽府申其母國也

王欲殺之求諸申申侯不與王伐申申人繒人召犬戎以攻周殺王於驪山下今西安府臨潼縣東南鄭桓公死之晉文侯衛

武公秦襄公帥師救周鄭晉衛秦俱見次篇破犬戎與鄭武公共迎

故太子立之是為平王以西都逼於戎徙居洛邑以岐豐之地今陝西鳳翔府西安府與秦自武王至幽王凡十二世三百五

十二年此據鄭氏通志汲冢紀年則曰二百五十七年而周乃東遷自是稱為東

周

周

周

周

周

周

周

周王室衰微政令不行五霸齊桓公宋襄公晉文公秦穆公楚莊王迭興主諸侯之會盟以其事載於春秋書謂之春秋之世

第三篇 諸侯本末

第一章 周代封建之制

古史稱禹會諸侯於塗山執玉帛者萬國意其時所謂侯國不過族長部酋耳繇世歷年互相兼并遂生大國夏有窮見二篇第一章昆吾今直隸大名府開州商有大彭今江蘇徐州府豕韋今河南滑縣皆乘王政之衰據有東夏迭為雄長商湯之時諸侯尚有三千及周初為千八百國周公相武王克商滅國五十封建親戚以藩屏周兄弟之國者十有五人姬姓之國者三十八人異姓之得封者亦有八人姜姓最顯世為王舅妣姓出於大禹封於杞今河南開封府杞縣子姓出於成湯封

於宋

見次章

號二王後黃帝堯舜之後皆新受封

唐虞已有五等之爵夏商稍變其制惟分公侯伯三等周制列爵惟五分土惟三公侯之國皆方百里伯七十里子男五十里不能五十里不達於王附於諸侯曰附庸其齊魯衛各國或因元勳或因懿親特賜大邦加以附庸為東方雄藩不拘常例王有三公九卿及大夫士諸侯亦有卿大夫士士分上中下三等王之上士特稱元士諸侯之卿大夫之命於王者也或曰唯公侯有卿伯子男無之九州五服率沿禹制甸服之地西自岐山東至洛汭今陝西鳳翔府以東河南河南謂南河之北今河南懷慶府北包河內謂西河之東今河南西南境府以西

東西千三百里南北五六百里稱方千里謂之王畿以充王官采邑公卿受地視公侯大夫視伯元士視子男故又稱畿內諸侯

古者戰用兵車故兵賦以車算之一成之田當方一里許出車一乘卒數十人百成為同以封公侯其賦百乘王畿百同其賦萬乘王曰兆民諸侯曰萬民兆百萬也九州人口蓋以千萬數而甸服之民居其什一諸侯之民每國可萬餘人然雄藩巨邦或據數同之地有民數十萬兵車千乘其功德隆盛者王特錫命為眾諸侯之長謂之元侯或曰侯伯制軍之法五人為伍五伍為兩四兩為卒五卒為

旅五旅爲師五師爲軍軍一萬餘人王作六軍以征不庭
元侯作三軍以承王命諸侯或一軍或無軍帥教衛以佐
元侯伯子男無軍無教衛帥賦以從諸侯有巡狩朝覲會
同之禮以修上下之交王合諸侯則元侯率之以見元侯
合諸侯則侯率子男以見諸侯能治其國則有慶慶以地
其國不治則有讓貶爵削地或加討伐此宗周立國之大
勢也

當其盛時王畿千里居重馭輕同姓諸侯列據四方以禦
外侮異姓與諸姬相婚媾亦不敢離畔朝聘會盟出車賦
役所以維繫羣情者意至深遠故諸侯雖各私其土子其
民而奉王室之政刑與郡縣之制無異周衰王失其政刑
異姓大國始有貳者諸姬亦已疏遠自相鬪爭畿內諸侯
復陰圖自立於是強并弱大吞小漸非周初之制至平王
時兼并益熾惟存百七十國有爵列於伯子而地倍蕪於
公侯者其大夫之大者采地踰小國號爲百乘之家列國
爭興軍旅無復知有王命齊楚秦晉最强盛皆擁三軍或
作六軍并國二十若三十勢且駕王國之上其後弱國愈
滅遂爲二十許國其大者七日秦楚齊燕趙魏韓各有地
千里或至三千里皆稱萬乘之國而東周削弱爲一小國
矣

第二章 十四國封地

列國與周同姓者魯衛晉鄭吳燕韓魏最著魯侯爵周公

旦之所封也在徐州北境今山東兗州府也都曲阜今兗州府

曲阜縣周公相王室元子伯禽就封次子仕周者世為公卿

稱周公衛侯爵武王弟康叔封之所封也在冀州南境今

河南衛輝府也初都殷紂之墟後屢遷晉侯爵成王弟唐

叔虞之所封也初國於汾水上流後遷於其下流至文侯

仇定平王至文公重耳文公從曾孫大興世霸諸侯有冀州大

半今山西省及直隸南境都絳絳有二故絳今山西平陽府翼城縣新絳平陽府曲沃縣鄭

伯爵宣王弟桓公友之所封也在周之東都新鄭今河南開封府

新鄭縣吳子爵太伯之後也據揚州今兩江之大半故都在太湖東

今名蘇州府江蘇首府也燕伯爵召公奭之所封也據冀

州東北今直隸河間府東北都薊今京城之地也召公之胤仕周者

世為公卿稱召公魏畢公高之後也畢公國絕苗裔畢萬

事晉邑於魏今山西解州芮城縣為魏氏後世為諸侯初有冀州南

境今山西西南境及河南北境及雍州東境今陝西北境都安邑夏后舊都

也後喪地於秦更開疆東方跨冀兗徐豫四州今河南東

隸南隅山東西隅遷都大梁今河南首府開封也韓晉之

支族也邑於韓故城在陝西同州府韓城縣南為韓氏後為諸侯取鄭都

之其地環繞東周與秦楚趙魏相接今河南之半及山西東南境

列國與周異姓者齊宋楚越秦趙最著齊姜姓侯爵太公望之所封也都臨淄今山東青州府臨淄縣至桓公小白霸業隆後

為田氏所篡田氏媯姓虞舜之肩陳侯之支族也本稱陳氏後改為田事齊遂代之有青州及兗徐之半大抵今山東省也宋子姓公爵微子啟之所封也在豫州東境都商

湯之墟曰商邱今河南歸德府也至襄公茲父一霸楚芊姓子爵其先熊繹事周成王康王封於荆蠻至熊通始大

是為武王至莊王旅霸諸侯後愈大當其盛時有荆揚二州及徐豫南境今湖廣兩江及河南東南境都郢今湖北荊州府也越

姒姓子爵夏后少康之後也在吳之南今浙江紹興府其

故都也秦嬴姓伯爵系出於伯益益之苗裔蜚廉以材力

事殷紂周公驅於海隅而戮之其後有非子為周孝王牧馬馬大蕃息邑諸秦今甘肅秦州清水縣在渭水上流至襄公非子五世

孫救周有功平王封為諸侯至穆公任好襄公五世孫霸西戎其後稍衰而復大興有雍梁二州今陝西四川初都雍今陝西

鳳翔府也後遷咸陽今西安府咸陽縣也皆在渭濱趙與秦同姓祖蜚廉蜚廉六世孫造父居趙城今山西霍州趙城縣由此

為趙氏子孫事晉與韓魏同為諸侯有冀州之半今直隸及山西西南境都邯鄲今直隸廣平府邯鄲縣也

自楚子始僭王號吳越相繼效之其後齊魏秦燕韓趙宋

皆自稱王自是王號始輕吳為越所滅晉為韓魏趙所分
韓取鄭齊取宋楚取越取魯秦終滅周室并列國而為皇
帝於是三代之諸侯盡亡

第四篇 春秋

第一章 齊桓宋襄之霸

鄭桓公為周司徒死於犬戎之難其子武公孫莊公為平
王卿士平王欲分政於虢莊公怨王王崩孫桓王林立以
虢公忌父為卿士遂奪鄭伯政鄭伯不朝桓王以蔡衛陳
伐鄭敗績蔡侯爵蔡叔度之後也今河南汝甯府上蔡縣陳媯姓侯爵虞舜之後今河南陳州府鄭
人射王中肩王威不振如此

桓王生莊王莊王生僖王僖王時齊侯小白始霸初小白
長兄襄公無道鮑叔牙知亂將作奉小白奔莒已姓子爵
東沂州府莒州管夷吾召忽奉小白兄公子糾奔魯襄公斃於亂

小白自莒入而立是為桓公魯莊公伐齊納子糾齊人敗之鮑叔言於魯曰子糾親也請君討之管召讎也請受而甘心焉魯乃殺子糾召忽死之管仲請囚鮑叔受之以薦桓公公重用之號為仲父管仲為政使士農工商異其居處寄軍令於國政士養義勇民殖財利國以富强諸侯懾服

桓公霸功之大者在攘夷狄以救諸夏是時白狄居雍州

東北今陝西鄜州以北赤狄居冀州內部今山西潞安府白狄別種居其

北今直隸定州正定府山戎諸部又居其東北今直隸東北境江淮之地未

脫蠻夷之俗自楚武王崛起荆蠻文王滅息姬姓侯爵之國今河南光

州息縣滅鄧曼姓侯爵之國今河南南陽府鄧州滅申見二篇第三章豫州南境今湖北

境及河南南境皆屬於楚成王受之令尹鬬穀於菟為政有賢聲

國益强大寢逼中國周惠王時山戎攻燕燕人苦之狄屢

攻邢侯爵周公之胤今直隸順德府又伐衛滅之衛人出廬於曹衛邑今河南衛

輝府滑縣邢人亦潰桓公北伐山戎破之命燕伯納貢於周又

遣師逐狄遷邢于夷儀故城有二一在順德府城西一在山東東昌府城西南不知孰是

具其器用而遷之城楚邱衛地在滑縣東即隋衛南廢縣而封衛焉史稱

邢遷如歸衛國忘亡美其善卹亡國也遂帥宋公魯侯陳

侯衛侯鄭伯許男曹伯伐楚許姜姓之國今河南許州曹武王弟曹叔振鐸所封今山

東曹州府定陶縣楚成王使問師故管仲責以貢不入王室楚使

展完如師與諸侯盟於召陵

楚邑今許州鄆城縣

桓公雖威制諸侯不敢失尊王之義周惠后寵王子帶將廢太子鄭而立之桓公帥諸侯會王太子於首止

宋地在河南歸

德府睢州東南

以甯周室惠王崩太子立是為襄王襄王元年宰

周公及諸侯會齊侯於葵邱

宋地在衛輝府考城縣東

王使周公賜齊

侯胙胙祭肉也王祭祖宗賜其肉優禮也且以齊侯老命無下拜齊侯辭不敢當下拜登受遂盟諸侯令皆歸於好

王子帶召伊洛之戎

西戎入居伊洛二水之間者

伐周齊侯使管夷吾

平戎于王王以上卿之禮饗夷吾夷吾辭之受下卿之禮而還徵諸侯戍周以備戎難

五霸桓公為盛九合諸侯一匡中國管仲之力也仲死桓

公親近小人寺人貂易牙開方專權公又好內內嬖如夫

人者六人皆有公子公屬公子昭於宋襄公以為太子五

公子皆求立公卒亂作易牙與寺人貂殺羣吏而立公子

無虧太子奔宋桓公尸在牀六十七日尸蟲出於戶宋襄

公以曹伯衛人邾

曹姓子爵之國今山東兗州府鄒縣

人伐齊齊人殺無虧

宋師敗齊立孝公昭而還

初襄公為太子請立庶兄目夷父桓公命之目夷辭而退

襄公以為仁授之政於是宋治齊桓公既卒襄公慨然有

霸圖周襄王十三年襄公合諸侯於孟

宋地在歸德府睢州楚成王

會之執襄公以伐宋已而釋之明年宋楚戰于泓水名在歸德府

柘城縣西目夷請及楚人未盡濟擊之公不可濟而未成列又

以告公曰未可遂為楚所敗國人咎公公曰君子不困人

於阨世笑以為宋襄之仁

第二章 晉文秦穆之霸

宋襄公霸業不成而死晉文公踵興文公之父曰獻公獻

公以屈產之乘與垂棘之璧假道於虞以伐虢虞公爵王季弟虞仲

之後今山西解州平陸縣虢見二篇第三章虞公許之宮之奇諫不聽百里奚

不諫去之秦晉滅虢虢公醜奔周遂襲虞滅之晉始大

獻公嘗克驪戎姬姓之戎居驪山獲驪姬嬖之驪姬欲立其子譖

太子申生申生自殺公子重耳奔白狄公子夷吾奔梁嬴姓

伯爵之國今陝西同州府韓城縣獻公卒晉亂驪姬子奚齊及其娣之子

卓皆被殺夷吾求入立以重賂許秦穆公及晉大夫齊桓

公使隰朋會秦師納之是為惠公惠公入而背外內之賂

晉饑秦輸之粟秦饑晉閉之糴故秦伯伐晉戰於韓原在韓

城縣西南虜晉侯既而歸之其歲晉又饑秦伯復餽粟重耳在

外十九年從狐偃趙衰賈佗魏犢等周遊諸侯秦伯召之

於楚及惠公卒其子懷公立秦伯納重耳於晉晉人殺懷

公而奉之是為文公

王子帶以赤狄攻襄王王出居於鄭地告難於諸侯狐偃

說文公曰求諸侯莫如勤王文公從之帥師納王殺子帶
王厚饗之賜南陽今河南懷慶府之田文公請隧隧者王之葬禮

也王不許曰未有代德而有二王亦叔父之所惡也

楚成王使令尹成得臣與陳侯蔡侯鄭伯許男圍宋宋告

急於晉襄王二十年晉侯以齊宋秦之師與楚人戰於城

濮衛地在山東曹州府濮州南敗之王自至踐土鄭地在河南開封策

命晉侯為侯伯諸侯盟於王庭要言曰皆獎王室無相害

也魯衛陳蔡鄭許曹邾皆從晉是後百有餘年晉世霸中
國

秦穆公使孟明視襲鄭蹇叔諫不聽孟明聞鄭有備滅滑

姬姓伯爵之國在河南而還時晉文公卒未葬其子襄公墨

裒與姜戎姜姓之戎居晉南境敗秦師於崤山名在河南府永甯縣北虜孟明既

而逸之自是秦晉構兵七十年矣穆公能用賢嘗舉百里

奚於市以為相秦由是而興又信任蹇叔公孫支得由余

於戎而問計孟明百里奚之子也穆公以崤之敗深自罪

猶用孟明增修國政并國二十遂霸西戎穆公卒以子車

氏之三子為殉皆秦之良也國人哀之

晉有三軍其將佐皆卿也中軍帥常執國政謂之元帥襄

公以趙盾趙衰之子為元帥公卒盾立太子夷皋而相之是為

靈公周頃王匡王之際晉政在趙氏靈公不君趙盾驟諫

公患之將殺盾不克為趙穿所弑盾逆襄公弟黑臀於周而立之是為成公

第三章

楚莊之霸

附吳始興

楚莊王成王之孫也即位初國大饑庸今湖北鄖陽府竹山縣麋今

陽府叛之莊王率秦人巴姬姓國今四人伐庸滅之羣蠻

百濮皆服濮蠻夷種名又伐陸渾之戎西戎一種入居河南府嵩縣遂至於

洛觀兵於周疆周定王使王孫滿勞之莊王問鼎之輕重有圖周之意滿對曰輕重在德不在鼎周德雖衰天命未改鼎之輕重未可問也

莊王舉薦艾獵為令尹施教安民平眾舒偃姓諸夷故地在安徽廬州府

盟吳越楚國治強陳夏徵舒弑靈公莊王伐之謂陳人無動將討夏氏遂入陳殺徵舒因縣陳諸侯縣公皆慶申叔時獨不慶王讓之對曰人有言牽牛蹊田田主奪牛蹊者信有罪矣奪之牛罰不已重乎王曰善乃復封陳

鄭已服楚又微事晉周定王十年莊王圍鄭十旬克之鄭襄公肉袒牽羊以降莊王以鄭伯能下人退師數里而許之平晉景公使荀林父率師救鄭不及與莊王戰於邲鄭地在開封府鄭州東敗績莊王使申舟聘於齊過宋而不假道宋人殺之王聞之投袂而起馳圍宋宋告急於晉晉不救宋與楚平

莊王卒子其王立齊頃公伐魯又敗衛師魯衛乞師於晉
景公使卻克救之敗齊侯於峯齊地在山東濟南府界內其王使叔父
令尹嬰齊帥蔡侯許男侵衛侵魯以救齊遂與魯成公及
齊秦等十國之大夫盟於蜀魯地在山東泰安府城西晉畏楚眾而避
之

楚申公巫臣奔晉令尹嬰齊等有怨於巫臣殺其族人巫
臣怨之請晉侯使於吳吳子壽夢悅之乃通吳於晉教之
車戰使之叛楚自是吳屢伐楚取蠻夷屬楚者吳始大

第四章 晉業復盛附子產相鄭

周簡王時晉厲公與秦楚為成秦楚皆叛盟厲公帥諸侯

伐秦敗之楚其王侵鄭鄭叛於晉簡王十一年厲公伐鄭
其王帥東夷救之戰於鄆陵鄭地今河南開封府鄆陵縣敗績王傷其
目

厲公侈多外嬖反自鄆陵欲盡去羣大夫而立其左右使

胥童殺三郤郤錡郤欒郤至三卿欒書荀偃殺胥童遂弑厲公逆襄

公會孫周於周而立之是為悼公悼公少而賢使韓厥荀

罈荀林父孫為政以士魴趙武趙盾孫魏絳魏犢孫為卿舉不失職

爵不踰德民無謗言霸業復盛

周靈王時無終山戎國今直隸順天府薊州子嘉父納虎豹之皮於晉

以請和山戎諸部悼公欲伐之魏絳曰勞師於戎諸華必

歷代史略卷一
三
叛獲戎失華無乃不可乎因陳和戎之五利公悅使絳撫諸戎

鄭間於晉楚連年被兵或事晉或事楚鄭人侵蔡楚人討之鄭人欲從楚或欲待晉救終與楚平悼公帥諸侯伐鄭鄭恐行成諸侯皆不欲與楚戰乃許鄭成師還楚又伐鄭乃從楚悼公歸謀所以息民魏絳請盡積聚以貸自公以下苟有積者盡出之國無滯積亦無困人行儉省用車服從給行之期年國乃有節三駕而楚不能與爭盟十二諸侯於鄭地赦鄭囚禮而歸之晉民大和諸侯遂睦

悼公卒子平公立士匄逐欒盈欒書孫殺其黨後盈入曲沃

欒氏邑今山西絳州聞喜縣 晝襲絳不克奔曲沃晉人圍之滅欒氏士

匄爲政諸侯之幣重趙武代之令薄其幣而重禮之復諸侯喪邑靈王二十三年秦晉爲成後三年晉楚爲成趙武與令尹屈建盟於宋宋平公及齊魯等十國之大夫會焉約曰晉楚之從交相見也晉楚爭霸八十餘年至是始平周景王時鄭罕虎授公孫僑政僑使都鄙有章上下有服田有封洫廬井有伍從政三年輿人誦之僑爲人恭敬養民以惠擇能而使之爲辭命裨諶草創之游吉討論之公孫揮修飾之而僑潤色之以應諸侯鮮有敗事沒僑之世晉楚無敢加焉以鄭有禮也

鄭人游於鄉校以論執政黷蔑謂僑毀鄉校如何僑曰夫
人朝夕退而遊焉以議執政之善否其所善者吾則行之
其所惡者吾則改之是吾師也若之何毀之僑有疾謂游
吉曰我死子必為政唯有德者能以寬服民其次莫如猛
夫火烈民望而畏之故鮮死焉水懦弱民狎而翫之則多
死焉故寬難僑卒孔子聞之出涕曰古之遺愛也

第五章 春秋末諸大事

楚靈驕而敗齊晉公室微弱王室之亂吳楚構兵孔子仕魯

楚其王卒子康王立康王時與晉和王卒子邲敖立叔父
圍為令尹殺邲敖而自立是為靈王靈王使伍舉如晉求
諸侯請如宋之約晉平公欲勿許女叔齊曰不可晉楚惟

天所授不可與爭楚王方侈君其修德以待其歸平公從
之諸侯會靈王於申楚縣故申侯國王率以伐吳遂滅賴子爵之國在河

南光州商城縣南取郟魯邑本郟國今山東兗州府嶧縣

陳哀公之弟招殺太子偃師哀公自縊靈王使弟棄疾奉

偃師子圍陳滅之放招於越靈王又誘蔡靈侯殺之遂滅

蔡殺太子有為犧牲以祭岡山城陳蔡不羹故城在河南南陽府舞陽

縣西北使棄疾為蔡公又遣師圍徐以懼吳王次于乾谿楚地

在安徽潁州府太和縣東南以為之援周景王十六年陳蔡不羹叛王

奉蔡公入郢殺太子祿王將還師途而潰王縊棄疾立是
為平王復封陳蔡

齊樂施高彊與陳無字鮑國鬪樂高氏敗陳鮑分其室晏
嬰謂無字必致諸公無字盡致之而老於莒故莒子國見四篇第一章

景公與之高唐今山東濟南府禹城縣陳氏始大無字召諸公族嘗

被逐者而皆反其邑公族之無祿者私分之邑國之貧困者私與之粟大其家量以貨粟於民而以公量收之齊民多歸心焉晏子恭儉善與人交立強臣之間以禮自守人不敢犯景公重斂繁刑晏子屢託事規諫公能納之然公室已微不能復救

晉平公卒于昭公立諸侯事晉者皆有貳心楚靈王死之
歲昭公奉周卿士劉邑名在河南府偃師縣西南文公合諸侯於平邱

鄭地在直隸大名府長垣縣南大治兵以示威甲車四千乘然是後霸業
卒衰不復振矣昭公卒于頃公立

周景王寵王子朝欲立之王崩王子猛立王室亂卿士單
穆公劉文公與子朝之黨戰猛卒諡悼王弟敬王句立子
朝入王城尹文公立之敬王居外晉頃公令諸侯輸王粟
具戍人知文子荀瑩孫躒趙簡子趙武子鞅帥師納王於成周子朝
奔楚頃公卒子定公立魏獻子魏絳子舒韓簡子韓厥曾孫不信合諸
侯城成周成周在洛邑東王城下都也

楚平王信讒欲殺太子建執其師伍奢奢有子尚及員王
以免其父召之尚謂員曰吾智不逮爾我能死矣爾能報

之尙至王并殺之員將亡謂其友申包胥曰我必覆楚包
胥曰勉之我必復之員奔吳吳王闔廬立用員之謀伐楚
楚始病焉平王卒子昭王立昭王失禮於蔡昭侯昭侯如
晉請伐楚周敬王十四年晉定公奉劉文公合十七諸侯
於召陵以侵楚無功而還晉於是乎失諸侯蔡侯從吳伍
員導吳師伐楚敗之於柏舉楚地今河南汝甯府西平縣五戰及郢昭
王奔隨姬姓侯爵楚屬國今湖北德安府隨州伍員發平王墓而鞭其尸申
包胥如秦乞師秦哀公未許包胥哭於秦庭七日夜勺飲
不入口秦乃出師明年包胥以秦師至大敗吳師昭王入
於郢賞功臣包胥曰吾爲君也君既定矣又何求遂逃賞

敬王十九年魯定公以孔子爲中都今山東兗州府汶上縣辛一年

四方則之遂爲司寇相定公會齊景公於夾谷齊地在山東萊蕪縣南齊人欲劫魯侯孔子以禮卻之將盟齊人加於載書

曰齊師出境而不以甲車三百乘從我者有如此盟孔子
使茲無還揖對曰而不反我汶陽之田吾以其命者亦如
之汶陽者齊所侵魯地也齊侯將享魯侯孔子又以禮沮
之乃不果享齊人歸魯侵地

魯有三大家曰孟孫氏叔孫氏季孫氏皆出於桓公謂之
三桓三桓專國公室卑弱季氏最驕僭孔子使門人仲由
爲季氏宰將墮三都三都者三家之邑也敬王二十二年

叔孫氏墮邠

叔孫氏邑故城有二一在山東泰安府東平州南一在沂州府城東

季氏將墮

費季氏邑今山東沂州府費縣

費人襲魯定公入於季氏之宮費人攻

之人及公側孔子命申句須樂頎伐之費人北國人敗之

遂墮費孟氏亦將墮成

成城在今山東兗州府甯陽縣東北九十里

其宰公斂

處父不肯墮公圍成不克三家之醜卒未衰

敬王二十三年孔子誅少正卯曰人有大惡者五一曰心

達而險二曰行僻而堅三曰言偽而辯四曰記醜而博五

曰順非而澤少正卯兼有之不可以不誅孔子為政魯國

大治齊人懼歸女樂以沮之季桓子受之三日不朝孔子

去魯歷聘諸侯門人多從之後十餘年季康子以幣召之

於衛乃歸魯然魯終不能用孔子

晉自昭公以來公室卑弱范知中行趙魏韓氏皆大號為

六卿范氏即士氏知中行氏皆荀氏也孔子去魯之明年

范昭子

士句孫吉射

中行文子

荀偃孫寅

伐趙簡子簡子奔晉陽

邑今山西太原府太原縣

知文子言於定公曰君命大臣始禍者死今

三臣始禍而獨逐鞅刑不鈞矣請皆逐之知文子與韓簡

子魏襄子

獻子之孫曼多

奉公以伐范氏中行氏二氏敗韓魏以

趙氏為請趙簡子入于絳

第六章 吳越之興亡

附齊弒二君

吳伐越越王句踐敗之于檣李

越地在浙江嘉興府城西

吳王闔廬傷

而死子夫差立使人立於庭苟出入必謂己曰夫差爾忘

越王之殺爾父乎周敬王二十六年敗越于夫椒山名在江蘇常州府無錫

縣太湖濱句踐以餘兵保于會稽山名在浙江紹興府城東南使大夫

種行成請為臣妾吳王將許之伍員曰不可樹德莫如滋

去疾莫如盡句踐能親而好施與我同壤而世為仇讎今

不取後雖悔之不可及已太宰嚭受越賂勸夫差許越成

員退告人曰越十年生聚十年教訓二十年之外吳其為

沼乎句踐既免使大夫種守國入宦於吳三年而釋歸日

與范蠡治兵事圖吳

齊景公卒國夏高張立少子荼陳僖子無字之子乞逐國高廢

荼而立其兄悼公悼公失歡于吳敬王三十五年吳王帥

魯哀公邾子邾嬴姓國今山東沂州府郯城縣子伐齊齊人弒悼公赴於

師吳王乃還齊人立悼公子簡公明年簡公伐魯不利吳

王又伐齊敗之於艾陵齊地簡公寵闞止欲除陳氏陳成子

僖子之子恆殺闞止遂弒簡公而立其弟平公成子專齊封邑

大於公所食是後陳氏改稱田氏

吳之將伐齊也句踐率其眾以朝焉王及列士皆有饋賂

吳人皆喜唯伍員懼曰是豢吳也入諫王不聽員使於齊

屬其子於鮑氏夫差返自艾陵聞之怒使賜之屬鏹之劍

以死夫差欲霸中國敬王三十八年與單平公晉定公魯

哀公會於黃池在河南衛輝府封邱縣南句踐乘虛興師伐吳獲太子友遂入吳都夫差急盟而歸與越平周元王元年越圍吳居二年吳師潰夫差上姑蘇山名在江蘇蘇州府城西使行成越王曰昔天以越予吳而吳不受今天以吳予越吾敢逆天而聽君乎夫差自殺越已平吳北征上國宋鄭魯衛皆入朝范蠡功成辭位而去乘輕舟浮於太湖莫知其所終大夫種後以讒死

周自東遷至元王崩凡十五世三百有二年而王室愈微諸侯亡滅者百五十國是後韓魏趙氏分晉齊田氏代姜氏越衰於南而燕強於北與秦楚俱為七雄號稱戰國

第五篇 戰國上

第一章 三晉田齊興

周貞王十一年晉知襄子文子之孫瑤與趙韓魏共分范中行氏地以為邑出公怒告齊魯欲以伐四卿四卿反攻公公奔齊道死知伯立懿公而專晉政

知伯貪而復求地於魏桓子襄子之孫駒韓康子簡子之孫虎皆與

之又求於趙趙襄子簡子之子無恤不與知伯怒帥韓魏之甲以

攻之初襄子父簡子使尹鐸為晉陽請曰以為繭絲乎抑為保障乎簡子曰保障哉尹鐸損其戶數以輕賦稅簡子謂襄子曰晉國有難必以晉陽為歸至是襄子出奔晉陽

三家圍而灌之城不浸者三版沈竈產蛙民無畔意貞王
十六年趙孟使人潛出說韓魏韓魏與之約共敗知伯軍
滅知氏而分其地是時田襄子陳成子之子盤相齊其兄弟宗人
盡為都邑大夫與趙韓魏通使蓋三家且有晉而田氏且
有齊也

周貞王崩長子哀王去疾立弟思王叔襲殺哀王而自立
少弟考王嵬又攻殺思王而自立考王崩子威烈王午立
威烈王二十三年晉三卿魏斯趙籍韓虔以周命列為諸
侯號曰三晉斯桓子之孫是為魏文侯籍襄子兄伯魯之
曾孫是為趙烈侯虔康子之孫是為韓景侯

魏文侯以卜子夏田子方為師每過段干木之閭必軾四

方賢士多歸之嘗使樂羊伐中山白狄別種國在直隸正定府三年克

之使西門豹守鄴邑名今河南彰德府臨漳縣河內稱治李悝教民盡

地力作平糶法衛人吳起善用兵文侯以為將拔秦五城

起與士卒同衣食分勞苦卒有病疽者起為吮之士卒樂

為之死守西河而秦兵不敢東嚮

趙烈侯好音命相國公仲連賜鄭歌者二人田人萬畝公

仲諾而不與或教公仲進牛畜荀欣徐越三士畜侍以仁

義明日欣侍以舉賢使能明日越侍以節財儉用度功德

而賜與烈侯悅止歌者之田

周安王十一年田襄子之孫和遷齊康公於海上使食一城其後會魏文侯求為諸侯文侯為之請於周周許之和為齊侯號太公及康公卒無子田氏遂并其邑

魏文侯卒子武侯立吳起與魏相不合去之楚楚悼王以為相起明法審令捐不急之官以養戰士要在強兵而貴戚大臣多怨起者及悼王卒攻殺之安王二十六年魏武侯趙敬侯韓哀侯共廢晉靖公而分其地明年韓滅鄭因

自陽翟今開封府禹州徙都焉

齊侯因齊太公之孫也後稱王是為威王初立時國不治諸侯來伐周烈王六年威王召即墨邑名故城在山東萊州府平度州東南

大夫語之曰自子之居即墨也毀言日至然吾使人視即墨田野闢人民給官無留事東方以甯是子不事吾左右以求譽也封之萬家召阿今山東兗州府陽穀縣大夫語之曰自子之守阿譽言日至然吾使人視阿田野不闢人民貧餒趙攻甄今山東曹州府濮州子不救衛取薛陵故城在陽穀縣東北子不知是子厚幣事吾左右以求譽也是日烹阿大夫及左右嘗譽者羣臣悚懼莫敢飾非齊國大治諸侯不敢致兵者二十餘年

第二章 秦孝公興附申子相韓孟子出仕楚并越

當周顯王時河山以東強國六河謂西河山謂終南太華之屬淮泗之間

歷代史略卷一
小國十餘秦僻在西陲與楚魏接界諸侯皆擯秦以夷狄
遇之不得與中國之會盟秦孝公發憤修政欲以強秦顯
王八年孝公令國中曰賓客羣臣有能出奇計強秦者吾
且尊官與之分土衛公孫鞅好刑名之學西入秦見孝公
說帝道說王道次說霸道而後及強國之術孝公大悅與
議國事定變法之令使民爲什伍而相糾察若不糾舉則
相連坐告姦者與斬敵首同賞匿姦者與降敵同罰有軍
功者各以率受爵私鬪者各以輕重被刑大小戮力本業
耕織致粟帛多者復其身事末利及怠而貧者舉以爲收
孥民有二男以上不分家者倍其賦宗室非有軍功不得

爲屬籍令既具未布恐民之不信立一木於國都南門募
民能徙置北門者予十金民怪之莫敢徙復曰能徙者予
五十金有一人徙之輒予五十金乃發令太子犯法衛鞅
曰法之不行自上犯之然君嗣不可施刑刑其傅公子虔
黥其師公孫賈秦人皆趨令行之十年道不拾遺山無盜
賊民勇於公戰怯於私鬪家給人足鄉邑大治秦民初言
令不便者有來言令便鞅曰此亂法之民也盡遷之於邊
民莫敢議令築冀闕宮庭於咸陽徙都之并諸鄉聚爲縣
縣置令丞凡三十一縣廢井田開阡陌更爲賦稅法平度
量衡秦國富強

申不害者故鄭之賤臣也與衛鞅同時其學本於黃老而主刑名以干韓昭侯昭侯以為相內修政教外應諸侯十五年終申子之身國治兵強

顯王二十八年魏惠王伐韓韓昭侯請救於齊齊宣王使

田忌孫臏伐魏大破之馬陵魏地在直隸大名府城東南殺其將龐涓

虜太子申覆軍十萬明年衛鞅言於孝公曰魏破於齊諸侯畔之因此時伐魏魏必東徙然後秦據河山之固東嚮以制諸侯此帝王之業也公從之使鞅伐魏魏使公子卬禦之鞅遺卬書佯和與會飲伏甲虜之因破魏師惠王恐獻河西之地以和去安邑徙都大梁秦封鞅商今陝西商州於

在河南南陽府淅川縣西十五邑號曰商君

商君用法嚴酷嘗臨渭論囚渭水盡赤為相十年人多怨之孝公卒太子立是為惠文王公子虔之徒告商君欲反發吏捕之商鞅之魏魏不受納諸秦秦人攻殺之車裂以徇

魏惠王軍屢敗卑禮厚幣以招賢者顯王三十三年孟子至梁說以仁義惠王不能用明年惠王卒子襄王立孟子去梁適齊齊宣王以為卿

自越王句踐沒越久不聞至王無疆伐齊又伐楚楚威王大敗之盡取故吳地越以此散諸公族或為王或為君居

閩浙之地服屬於楚

第三章 蘇張從橫之謀

秦國已強宣力東方諸侯非戮其力殆不能制秦而秦之利又在諸侯相離於是合從連衡之說作從縱也南北爲縱衡橫也東西爲橫故六國相合謂之從六國不合各連和於秦謂之橫或衡

周人蘇秦與魏人張儀俱事鬼谷先生學從橫之術蘇秦見秦惠文王陳并諸侯之策不用秦乃去顯王三十六年北說燕文公曰燕之不被秦兵以趙蔽其南也與趙從親六國爲一則燕必無患矣文公從之資秦車馬以至趙說

肅侯曰秦不敢舉兵伐趙者畏韓魏議其後也韓魏入秦則趙危矣臣竊爲君計莫如六國合從以擯秦肅侯悅厚賜資之以約於諸侯秦乃見韓宣惠王魏襄王齊宣王楚威王所至逞雄辯以說從之利諸侯皆聽之約曰秦攻一國則五國救之有不如約者五國共伐之於是蘇秦爲從約長并相六國北報趙車騎輜重擬於王者旣而秦使公孫衍欺齊魏以伐趙趙侯讓蘇秦秦恐請使於燕必報齊秦去趙而從約皆解

張儀入秦惠文王悅之以爲客卿儀伐魏取蒲陽

今山西蒲州府

復以與魏因說魏襄王曰秦之遇魏甚厚魏不可以無禮

魏盡入上郡十五縣

春秋白狄地今陝西延安府及鄭州綏德州

以謝焉儀歸

為秦相復伐魏取陝

今河南陝州

既而免相出相魏以為秦

燕文公卒子易王立蘇秦說易王曰臣居燕不能使燕重

在齊則燕重乃偽得罪奔齊為客卿勸宣王侈欲以弊齊

後為齊人所殺

周慎靚王三年楚趙魏韓燕同伐秦攻函谷關

秦之東關在河南陝

州靈寶縣秦出兵逆之五國皆敗走明年秦破韓趙斬首八萬

諸侯振恐張儀說魏哀王曰諸侯約從結為兄弟也今親

兄弟尚有爭財相殺傷而欲恃反覆蘇秦之餘謀其不可

成亦明矣哀王乃背從約請成於秦儀歸復相秦巴

見四篇第

三章蜀成都府

相攻俱告急於秦時有韓寇儀欲伐韓惠文

王用司馬錯之說伐蜀取之因遂取巴秦益富強

惠文患齊楚從親使張儀說楚懷王絕齊請獻商於之地

六百里懷王信之陳軫曰秦之所以重楚者以其有齊也

今絕齊則楚孤秦奚與之地哉王不聽閉關絕約於齊齊

潛王怒與秦合楚遣使受地於秦儀見使者曰地從某至

某廣袤六里懷王聞之大怒欲攻秦陳軫復諫王又不聽

伐秦大敗失漢中地

今陝西漢中興安二府

周赧王四年秦欲得楚黔中地

今四川酉陽州湖北施南府等

請以武關

秦之南關在陝西商州東

之外即商於等地

易之懷王曰不願願得張儀而

歷代史略卷一
獻黔中儀請行因楚嬖臣幸姬以得免死因說懷王曰爲從者無異於驅羣羊而攻猛虎不格明矣今王不事秦秦劫韓驅梁而攻楚則楚危矣王誠聽臣臣請使秦楚長爲兄弟之國懷王已得儀而重出地乃從之儀遂之韓說襄王以事秦而攻楚襄王許之儀歸報惠文封以六邑號武信君復使往說齊湣王趙武靈王燕昭王連衡以事秦皆許之儀歸未至而惠文王卒子悼武王蕩立悼武不說儀諸侯聞之皆畔衡復合從儀出相魏尋死蘇張皆以遊說致身富貴遊士爭慕效之又有公孫衍蘇代蘇厲周最樓緩之徒皆以辯詐相高徧布於四方

秦悼武王卒弟稷立是爲昭襄王或略言昭王昭王少母宣太后芊氏治國事任異父弟魏冉爲政赧王十六年昭王遺楚懷王書願與會武關面相約結昭晁曰秦虎狼也不可信王子蘭勸王行秦人執之以歸楚人立太子橫是爲頃襄王懷王卒於秦楚人憐之如悲親戚

第四章

燕齊之勝敗

附孟嘗君事

燕易王卒子噲立噲專任其相子之終以國讓之子之南面行王事而噲反爲臣國大亂齊宣王伐之五旬而舉之噲死子之亡齊因取燕時孟子在齊教宣王謀於燕眾而置君王不聽燕人畔齊立太子平是爲昭王孟子不遇於

齊致爲臣而去昭王弔死問孤與民同甘苦厚禮以招賢者爲郭隗築宮而師事之士爭趨燕樂毅自魏往王以爲亞卿任以國政

齊王族田嬰事威王宣王任職用事宣王卒子湣王立封

嬰于薛

在山東兗州府滕縣

號靖郭君嬰有賤妾之子曰文通儻饒

智略勸嬰散財養士賓客爭譽其美嬰卒文嗣爲薛公號孟嘗君招致諸侯遊士及有罪亡人食客常數千人秦昭王聞其賢使請於齊以爲丞相丞相秦官猶周太宰也或謂昭王孟嘗君相秦必先齊而後秦王囚文欲殺之文逃歸而相齊文怨秦與韓魏共伐之入函谷關秦割河東三

城以和

湣王負強南敗楚西摧三晉時宋王偃淫虐世呼曰桀宋湣王滅之廣地數百里王益驕諸侯皆害之孟嘗君以薛附魏周赧王三十一年燕昭王使樂毅爲上將軍與秦楚三晉合謀以伐齊敗之濟西燕師長驅入臨淄湣王奔莒燕封毅爲昌國君留徇齊城未下者楚將淖齒率兵救齊因爲齊相齒欲與燕分齊地執湣王殺之樂毅整軍禁侵掠禮逸民寬賦斂除暴令祀桓公管仲於郊齊民喜悅六月之間下齊七十餘城獨莒卽墨不下淖齒爲莒人所殺齊亡臣求湣王子法章而立之是爲襄王保莒城

在江蘇海州贛

榆縣 卽墨人推田單爲將以拒燕

樂毅留于齊五歲二邑未服赧王三十六年昭王卒子惠王立惠王自爲太子時不快于毅田單乃縱反間曰樂毅欲王齊齊人未附故且緩攻以待其事齊唯懼他將之來卽墨殘矣惠王聞之使騎劫代將毅奔趙將士憤惋田單用火牛之計大敗燕師殺騎劫逐北至河上七十餘城皆復爲齊乃迎襄王入臨淄王以單爲相封安平君孟嘗君中立爲諸侯無所屬襄王畏之與連和及卒諸子爭立齊魏共滅之趙惠文王欲與樂毅謀伐燕毅泣辭之王乃止封毅于觀津在直隸冀州武邑縣東南竟死於趙號望諸君

第五章 趙武靈王及廉藺

趙武靈王欲拓地於北疆與肥義謀胡服騎射以教國民略狄地至代今直隸宣化府蔚州雲中今內蒙古歸化城土默特地西及九原今蒙古毛明安及烏喇忒地傳國少子何是爲惠文王使肥義相之自號主父北破林胡樓煩北狄二國山西保德州甯武府及太原府崞嵐州等樓煩故地也林胡又居其北欲自雲中九原直南襲秦不果攻中山見五篇第一章滅之嘗詐爲使者入秦秦昭王怪之使人逐之則已脫關矣初武靈廢太子章而立惠文旣而憐章欲王之於代未決章作亂殺肥義公子成李兌討滅之遂圍主父使餓而死惠文得楚和氏璧秦昭王請以十五城易之惠文欲不與

畏秦強欲與之恐見欺藺相如願奉璧而往城不入則完璧而歸王遣之獻璧秦王無意償城相如乃給取璧使從者懷之間行歸趙身待命於秦秦王賢而歸之

田單復齊之歲秦王與趙王會於澠池

今河南府澠池縣

藺相如

從及飲酒秦王請趙王鼓瑟趙王鼓之相如請秦王擊缶秦王不肯相如曰臣請得以頸血濺大王左右欲刃之相如叱之皆靡秦王為一擊缶秦終不能有加於趙趙亦盛為之備秦不敢動趙王歸以相如為上卿位在將軍廉頗右

廉頗者趙之良將也多軍功以相如素賤人徒以口舌居

己上羞為之下欲覘相如辱之相如聞之不肯與會每朝常稱病出而望見輒引車避匿其舍人皆以為恥相如曰夫以秦王之威而相如廷叱之相如雖驚獨畏廉將軍哉顧強秦所以不敢加兵於趙者徒以吾兩人在也今兩虎共鬪其勢不俱生吾所以為此者先國家之急而後私讐也頗聞之肉袒負荆至門謝罪遂為刎頸之交

第六篇 戰國下

第一章

秦連攻三晉

附秦滅周平原
信陵春申好客

秦丞相魏冉舉白起為將白起善用兵嘗敗韓魏于伊闕

山名在河南斬首二十四萬又伐魏至軹今河南懷慶府濟源縣取六

十一城田單復齊之歲起伐楚取鄢今湖北襄陽府宜城縣鄧故鄧侯國

今河南南陽府鄧州明年拔郢燒夷陵楚陵墓之地今湖北宜昌府楚頃襄王徙

都陳故陳侯國今河南南陽府秦封起為武安君明年定巫今四川黔

中今四川酉陽州湖北施南府及湖南西北境

赧王四十五年秦人伐趙圍閼與故城在山西遼州和順縣西北廉頗樂

乘皆曰道遠險狹難救趙奢曰道遠險狹猶兩鼠鬪於穴

中將勇者勝惠文王使奢救之秦師敗還王賜奢號馬服君與廉藺同位

魏人范雎嘗從中大夫須賈使於齊齊襄王聞其辯口私賜之金賈疑雎以國陰事告齊歸告魏相魏齊齊怒笞擊之折脇拉齒置廁中雎佯死得逃出魏人鄭安平匿之變姓名曰張祿秦謁者王稽至魏潛載與歸薦於昭王雎教以遠交近攻之策王悅以為客卿時宣太后及穰邑名即楚鄧邑侯魏冉擅國雎說王廢太后逐穰侯而代為丞相封應邑名在河南汝州侯寶豐縣西南侯

於秦雎敝衣閒步往見之賈驚曰范叔無恙乎取一綈袍贈之雎為賈御至相府曰我為君先入通於相君賈見其久不出問於門下范叔不出何也門下曰無范叔嚮者吾相張君也賈知見欺膝行入謝罪雎曰爾所以不死者以綈袍戀戀尚有故人之意耳乃使歸告魏王曰速斬魏齊頭來不然且屠大梁賈還以告魏齊齊出走而死雎薦王稽為河東今山西平陽府守召鄭安平為將軍楚黃歇侍太子完為質於秦及頃襄王疾病歇使太子亡歸而自請賜死秦昭王怒欲聽之應侯曰不如無罪而歸之以親楚王從之楚王卒太子立是為考烈王以黃歇為

相號春申君

秦武安君伐韓拔野王

今河南懷慶府治

上黨

赤狄故地今路絕山西潞安府

請降於趙趙孝成王受之赧王五十五年秦王齮攻上黨

拔之遂伐趙廉頗軍長平

今山西澤州府高平縣

堅壁不進應侯使

人為反閒曰秦獨畏馬服君之子趙括為將耳趙王使括

代頗藺相如曰括徒能讀父書不知合變也王不聽括少

學兵法自思天下莫敢當嘗與父奢言兵事奢不能難然

不謂善也括母問其故奢曰兵死地也而括易言之趙若

將括必破趙軍及括將行母上書言括不可使括至軍果

為白起所敗中矢死卒四十萬人皆降白起盡坑殺之後

二年秦王陵攻邯鄲少利昭王欲使白起代陵起曰秦雖

勝於長平士卒死者過半國內空遠絕河山而爭八國都

取敗必矣辭疾不肯行乃遣王齮

趙孝成王使弟平原君勝求救于楚平原君好士食客數

千人欲擇門下文武備具者二十人與俱得十九人餘無

可取毛遂自薦平原曰士之處世若錐處囊中耳其末立

見今先生處門下三年勝未有所聞遂曰臣乃今日請處

囊中耳使遂蚤得處囊中乃穎脫而出非特末見而已平

原乃與之俱至楚與考烈王言合從之利半日不決毛遂

按劍歷階而上曰從之利害兩言而決耳今日出而言日

中不決何也王怒叱之毛遂按劍而前曰王之所以叱遂者以楚國之眾也今十步之內不得恃楚國之眾也王之命懸於遂手且以楚之強天下不能當白起小豎子耳一戰而舉鄢郢再戰而燒夷陵三戰而辱王之先人此百世之怨趙之所羞合從爲楚非爲趙也王曰唯唯乃與楚王歃血定從而歸平原君曰勝不敢復相士以遂爲上客楚使春申君將兵救趙

魏安釐王亦使晉鄙救趙秦王使謂魏曰趙旦暮且下諸侯敢救趙者必移兵擊之魏王恐止晉鄙留兵壁鄴使新垣衍說趙欲共尊秦爲帝齊人魯仲連在邯鄲見衍曰彼秦者棄禮義而上首功之國也彼卽肆然帝天下則連有蹈東海而死耳因痛論帝秦之害衍再拜曰先生天下之士也吾不敢復言帝秦矣

魏王弟無忌愛人下士食客三千人號信陵君其姊爲平原君夫人趙急使者冠蓋相屬責救於信陵君信陵君屢請於王且使賓客遊說萬端王終不聽信陵素厚遇隱士侯嬴嬴教信陵禱王幸姬竊得晉鄙兵符且薦力士朱亥與俱謂晉鄙合符而疑則擊殺而奪其軍信陵一如嬴言得兵以進

楚魏救至秦軍屢卻白起曰不聽吾言今何如秦王聞之

怒廢起為士伍起與應侯有隙竟賜劍而死明年信陵君大敗秦師王齮解圍走鄭安平以二萬人降趙信陵君不敢歸魏使將其軍以還平原君欲封魯連連笑曰所貴於士者為人排難解紛而無取也即有取是商賈之事也辭去終身不復見

秦王既用應侯之策連攻三晉周人恐赧王五十九年與諸侯約從以伐秦為秦所攻盡獻其邑三十六口三萬是歲赧王卒周亡貞王以後周擁空號存於強國之間者凡九世二百十三年自武王克商至于此合八百六十七年傳世二十有七

明年秦昭襄王五十二年楚考烈王八年齊王建十年燕桓惠王三十四年趙孝成王十一年魏安釐王二十二年韓宣惠王二十八年秦王稽坐與諸侯通棄市昭王臨朝而歎曰武安

君死而鄭安平王稽皆畔內無良將外多敵國范雎懼燕辨士蔡澤聞之西入秦見雎曰四時之序成功者去商君吳起大夫種何足願與說雎以全身名之道雎薦澤於王謝病免相王以澤為相數月而辭之號綱成君

楚使春申君取魯魯頃公遷於莒尋為楚所滅春申君好士與孟嘗平原信陵齊名皆爭招致賓客以相傾奪平原使人於春申使者為玳瑁簪刀劍室飾以珠玉欲以誇楚春申客三千餘人其上客皆躡珠履見之趙使大慙

秦昭襄王卒太子柱立是為孝文王孝文王即位三日而卒子莊襄王楚立莊襄王元年楚十四年齊十六年燕王喜六年趙十七年魏二十八年韓二以呂不韋為相國不韋陽翟大賈也莊襄以昭主庶孫為質於趙因不韋之助得入立是以尊寵無比封以河南今河南南府十萬戶號文信侯

秦蒙驚破魏魏王患之使人請信陵君於趙信陵君畏得罪不肯還客毛公薛公見曰魏急而公子不恤一旦秦克大梁夷先王宗廟公子何面目立於天下乎信陵趣駕還復為魏將諸侯聞之皆遣救信陵帥三晉楚燕之師敗蒙驚于河外謂南河之南追至函谷關而還

第二章 秦并六國

秦莊襄王卒太子政立後號為始皇帝政生十三年矣國事皆決於文信侯號稱仲父秦攻伐無已時三晉地益削諸侯患之秦王政六年楚二十二年齊二十四年燕十四年趙悼襄王四年魏景閔王二年韓三十二年楚趙魏韓衛合從伐秦楚考烈王為從長春申君用事至函谷秦師出五國皆敗走楚去陳遷於壽春今安徽鳳陽府春申幸李園妹有娠納之考烈王生幽王悍李園使盜殺春申而專楚政秦王政母本邯鄲舞姬呂不韋初娶之既而獻諸莊襄王生政及為太后時時與不韋私通政既長太后嬖人嫪毐作亂而誅不韋坐免相王遷太后于

雍齊客茅焦諫王乃迎歸咸陽不韋後恐誅飲酖死

秦宗室大臣議曰諸侯人來仕者皆為其主遊閒耳請一切逐之於是大索逐客客卿李斯亦在逐中行且上書論其非計王乃召李斯復其官除逐客令李斯勸王陰遣謀士遊說諸侯離閒其君臣然後使良將隨其後竟以并六國

初趙李牧事孝成王守北邊時匈奴始強屢為邊患牧養士習騎射設奇陳大破之匈奴奔走不敢近趙及孝成王卒子悼襄王立廉頗亡去王召牧為將王卒子幽繆王立秦之十三年楚幽王四年齊三十一年燕二十一年桓齮趙幽繆王二年魏九年韓王安五年

破趙斬首十萬幽繆王以牧為大將戰于宜安邑名在直隸正定府

藁城縣西南秦師敗還王封牧為武安君明年韓王安使韓非

聘于秦請為藩臣非者韓之諸公子也善法術之學秦王悅之李斯嫉而閒之下吏治斯遺非藥使自殺十七年內使騰滅韓虜王安明年王翦伐趙李牧禦之秦人與趙嬖臣金使言牧欲反趙人殺牧明年遂滅趙虜幽繆王王兄嘉自立為代王

初燕太子丹質于秦秦王政不禮焉怒而亡歸聞衛人荆軻勇厚禮之奉養無不至欲遣軻劫秦王時秦將樊於期得罪亡在燕軻請得樊將軍首及燕督亢燕膏腴地在直隸順天府涿州

東地圖以獻秦丹不忍殺之軻私見於期以意諷之於期

慨然自刎丹奔往伏哭遂函其首置利匕首於圖中裝遣

軻至咸陽秦王喜見之軻奉圖進圖窮而匕首見把王袖

搥之未至身王驚起軻逐之王拔劍斬軻遂體解以徇王

大怒益發兵伐燕二十一年楚王負芻二年齊三十九年

燕二十九年魏王假二年代王嘉王翦拔薊燕王喜奔遼東今盛京省東境斬丹以獻

明年王賁子翦滅魏殺王假又明年王翦大破楚殺其將項

燕又明年虜楚王負芻楚自武王以來王南疆二十五世

凡五百餘年而亡又明年王賁滅燕虜王喜還滅代虜王

嘉初齊王建母君王后賢事秦謹與諸侯信且秦連歲攻

五國五國各自救以故建立四十餘歲不受兵君王后卒

齊客多受秦金為反間不修戰備不助五國攻秦二十六

年王賁入臨淄王建降遷之於共今河南衛輝府輝縣餓而死於是

諸侯皆亡惟衛猶存至秦二世皇帝元年廢衛君角為庶

人

第三章 四夷遠斥

唐虞之世中國廣袤不滿三千里九州域內夷狄居其大

半雖曰聲教所及莫不來王其俗陋而性獷者未化也周

建兩都王畿跨三州河濟淮漢之濱皆列置侯國通道於

九夷百蠻使各以其方賄來貢諸夏之盛軼於前代矣然

而戎狄之雜居冀雍蠻夷之蟠據江淮者猶未變於華華夷之疆界與虞夏無大異也

周已衰平王避戎東遷而雜戎往往入居畿甸春秋初戎

狄強盛齊桓公攘之僅得以綏諸夏是時冀州有山戎赤

狄共見四章及眾狄居直隸西境山戎雖名戎亦狄種也雍

州有白狄見四章及大荔今陝西同州義渠今甘肅慶陽府諸戎

豫州有伊洛之戎晉惠公歸自秦誘瓜州今甘肅西北境之戎處

之中國自是伊洛之濱又有姜戎陰戎陸渾之戎當時所

謂戎狄者非盡異類姜戎與齊同姓晉獻公所滅驪戎者

與周同姓又有犬戎者與晉同出於唐叔惟其禮俗與戎

侔故謂之戎猶東南之徐楚吳越皆出於中國而號為蠻

夷也

春秋中戎狄漸衰晉襄公敗白狄獲其君景公滅赤狄諸

國悼公和山戎諸部昭公滅肥今直隸正定府藁城縣頃公滅鼓今

定府二國皆白狄別種也陸渾之戎亦為頃公所滅其別

部蠻氏居河南汝州地至春秋末楚昭王滅之戰國初秦厲公伐

大荔取其王城伐義渠虜其王趙襄子北略狄土韓魏滅

伊洛陰戎餘種西走自是戎狄益遠矣

東南之夷雖極蠢愚非如戎狄之倔强難制及楚之盛羣

蠻莫不懼服吳踵起淮濱諸夷皆屬焉徐夷在西周盛時

為強國至春秋而微遂為吳所滅蠻夷已屬吳楚風俗漸變其不從化者或匿於山谷或逃於海濱而江淮遂為衣冠之鄉矣

是故戰國之時中原雖甚亂而夷狄之遠斥反勝於三代盛時其後秦惠文王并巴蜀昭襄王滅義渠趙武靈王破林胡樓煩燕將秦開擊卻東胡三國皆大拓疆土築長城以拒諸胡及秦并六國華夏之地東漸於海西據隴山北包恆山南達南嶺縱橫四千里夷狄幾絕蹤而南嶺之南今福建百越散處巫黔之西南今湖廣西境四川東南兩廣境及貴州雲南二省蠻據之隴蜀之西今甘肅四氏羌諸部居之俱無甚大者

惟東胡匈奴月氏並在塞外為夷狄強國東胡即山戎漢時號烏桓鮮卑月氏居甘肅西北境甘州府及肅州安西州古瓜州之地與晉惠公所誘來者同類匈奴狄之一種與殷周之獯鬻玁狁同類所居在今山陝甘肅邊外之地諸胡皆無城郭常處逐水草轉移以畜牧射獵為業貴壯賤老不知禮義由秦及漢常為邊患

第七篇 禮俗及文事

第一章 名字姓氏及世族

古俗簡質人惟有姓氏及名無字與諡貴賤皆呼其名不相諱至周世始有冠而命字之禮冠禮詳後自稱以名稱人以字而不相呼名惟於臣子及幼賤者則名之

諡法亦自周始人死則誅其行以立諡而諱生時之名有物與死者同名臣子必易其物名秦始皇一廢諡法漢尋復之周漢之際制諡用一二字唐宋以來帝王諡號至累二十餘字且當君父生時卽諱其名並同音之字目爲嫌名避不敢稱此周制所未有也

姓者生也所以明世系所出而別婚姻也一姓分爲數族則又稱氏以爲之別故氏一再傳而可變姓千萬年而不變古史稱炎帝母居姜水黃帝母居姬水舜母居姚墟因以爲姓蓋猶出於自稱至禹平洪水分土授民始有賜姓之制其時族姓甚多號爲百姓及周興姬姓繁衍於華夷異姓漸絀然猶有二十餘姓周衰姜芊媯踵興與諸姬相軋而他姓愈微

古之稱氏者大抵以君國之號或以地名然非必人盡用之周時有君命氏族之法用以分別貴賤其受氏之別有五或以所封之國或以祖父之字或以祖父之諡或以世居之官或以世食之邑凡男子冠名以氏而不稱姓姓惟婦人稱之及戰國時婦人亦不稱姓而姓之用廢世盡以氏族爲姓

古俗甚重世系羣姓皆稱神聖之裔唐虞大臣如禹皋陶稷契之屬皆出於名族惟商世伊尹傳說起自微賤驟躋宰輔實爲創舉至周時封建世祿之制益備王朝公卿莫非有土之君諸侯執政亦皆世臣士庶人各守其業雖有俊傑艱於進用以孔子之賢聖一用於魯亦不過位大夫成例相沿視爲固然其後積弊日甚闇弱之君虛擁位號強臣大族篡弒頻仍其勢不得不變數百年間諸侯吞滅

殆盡其卿大夫亦興亡相踵於是吳起孫臏樂毅廉頗白起王翦等白身而爲將蘇秦張儀藺相如范雎蔡澤等徒步而爲相卿相之位不復專屬於世家及秦并六國世侯世族滅亡無遺遂開後世布衣將相之局是古今國勢之一大變也

第二章 冠婚喪祭之禮

三皇時以冒覆頭句領繞項黃帝始造冕旒其後冠制益備以皮及布帛製之周人特重冠禮子年二十則父於宗廟延賓設醴爲之三加冠字之曰某甫旣冠則以成人之禮相待天子諸侯之子或十二而冠或十五而冠皆四加

冠

太皞制嫁娶以儷皮爲禮虞時始有嘉禮之稱周制男三十而娶女二十而嫁嫁娶必以仲春之月凡結婚始納鴈以爲采擇之禮次問女之名氏次納吉卜聘財於女氏然後請婚期而壻親迎謂之六禮同姓雖百世不通婚姻買妾不知其姓則卜之

古俗一夫配眾婦無妻妾嫡庶之分周制王之嫡妻曰后諸侯曰夫人大夫曰內子皆與其夫齊位羣妾莫敢與爲匹子孫以嫡庶爲別喪服亦以嫡庶爲差並后奪嫡垂爲大戒周衰禮廢幽王始以嬖倖亂國其後如齊桓公晉獻

公皆以庶孽爭立釀數世之禍

周制諸侯嫁女列國使同姓二國以其女媵之三女皆以姪娣相從姊妹姑姪並爲列妾故國君一娶得九女夫人早死則繼之以媵或以姪娣而不再娶王納后妃蓋亦如此而其制不詳王立六宮諸侯立三宮以處羣妾命爲內官王之內官凡一百餘有夫人嬪御世婦等號其貴寵者位視公卿戰國時諸侯荒淫不揆古制拘集宮妾大國累千小國累百至秦尤甚

古者喪期無數斂死者以薪葬之中野不封不樹唐虞始制瓦棺服君及父母之喪皆三年夏制塋周以土周繞於棺商始以木爲棺槨或曰禹之喪法桐棺三寸制喪三月以木爲棺殆不始於商周公制喪禮節目詳備哭泣擗踊皆有法人死則必先復復者呼其魂來歸也次有沐浴飯含小斂大斂之禮衣衾棺槨務盡其美王七日而殯七月而葬諸侯五日殯五月葬大夫士三日殯三月葬喪期以服爲差爲父母斬衰二十五月父在則爲母期謂之三年之喪其次齊衰三月謂之期喪其次有大功小功緦麻之服自九月至三月王崩臣庶皆服喪三年嗣王不親政謂之諒闇百官皆聽於冢宰諸侯薨亦準之

喪葬旣畢以木爲死者之主奉之於廟歲時祭祀有事必

告焉王有七廟二祧及四親廟爲三昭三穆與太祖之廟而七夏祖禹商祖契周祖后稷其主百世不遷祧者遷主所藏之廟也親廟親盡則遷其主於祧而致新主於廟諸侯五廟無二祧以太祖之廟爲祧大夫三廟士一廟庶人無廟祭於寢

祖考之祭必撰族人使服死者遺衣服以象其生時坐神主之側名之曰尸祭者北面事之獻奠致禮謂鬼神憑尸來格也凡祭以牛若羊豕爲犧牲以黍稷爲粢盛王侯行親耕之禮以勸農事取其田之收以供粢盛后夫人行親蠶之禮以勸蠶事繅其繭絲以爲祭服此二禮歷代帝后

多遵行之至今不廢

舜命伯夷典三禮蓋祭天神地祇人鬼之禮也夏人事鬼敬神而遠之殷人尊神率民以事神先鬼而後禮其制度俱不詳周代尤重祭祀以爲國家之大事天地日月星辰山林川澤皆神而祭之王者築壇于國都南郊燔柴祀天以其太祖配食謂之郊祀郊祀爲王之大禮諸侯以下不得行之其次於郊祀者爲社稷社土神后土配之稷穀神后稷配之諸侯兼祀社稷大夫以下有州社里社專祀土神王以春分朝日秋分夕月祭日之壇曰王宮祭月之壇曰夜明祭星之壇曰幽宗孟夏日食則王爲之不舉伐鼓

於社以責羣陰王祭九州名山大川諸侯祭境內山川山崩川竭及有水旱之災則君降服撤樂祝用幣史用辭以禱羣神自漢魏以來祀地祇於北郊其禮視南郊天地羣神從祀兩郊又祀日於東郊祀月於西郊四郊皆有祭壇較周制稍變

第三章 文字之沿革

由上古至秦漢文字凡經五變開闢之初結繩而治未有書契倉頡始造古文象蟲鳥形迹爲之周宣王太史籀作大篆名籀文初變古文之體秦丞相李斯等作小篆增損籀文漸趨簡易獄吏程邈繼造隸書字畫務從省簡以便施之徒隸漢史游又作草書損隸之規矩存字之梗概因其草創謂之草書自後通用隸草二體古篆惟碑刻印璽用之

周人教小學析文字之體用爲六書其說甚明凡摹寫形體以表庶物謂之象形如日月山川是也形之難象者以符號表其義謂之指事如數字及上下左右是也合二字并取其義以表新義謂之會意如日月爲明口鳥爲鳴是也合二字一取其義一取其聲謂之諧聲如江河皆從水而工可爲聲崑崙皆從山而昆侖爲聲是也太古始制字主指事象形而兩閒事物不可一一作新形以表之故輔

以會意廣以諧聲而後字之體備至其爲用則有轉注段借二法同類一首之字互相爲訓謂之轉注如考老諷誦是也本無其字依聲託事謂之段借如令長朋來是也宋鄭樵計六書之數謂象形類凡六百餘字指事類凡一百餘字會意類凡七百餘字轉注類凡三百餘字諧聲類凡二萬一千餘字段借類凡五百餘字

上世有筆墨而未有木皮紙或書於木或書於竹故札檄等字從木篇籍等字從竹或用縑帛爲紙故紙字從糸典籍大抵以漆液書竹簡以韋編束卷而藏之故算書冊以卷數秦始皇時內史蒙恬始精毛筆之製至後漢世宦者

蔡倫造意用樹皮幣布等擣抄作紙文書之用於是益便

第四章 上古典籍

中國典籍最古者曰易書詩春秋易本著筮之書列記卦爻以示吉凶其曰易者以其有交易變易之義也太皞始畫八卦卦有六爻重爲六十四卦文王因之作卦辭爻辭分爲上下二篇孔子爲彖象繫辭文言序卦之屬十篇以闡易理謂之十翼易雖始於太皞而成於周故曰周易書又名尚書三代史官記大政大事者也周時書之存者三千餘篇孔子刪之上斷於堯下訖於秦凡百篇而爲之序言其作意至秦燔書亡失大半今所傳者惟堯典皋陶

謨禹貢甘誓湯誓盤庚高宗彤日西伯戡黎微子牧誓洪
範金縢大誥酒誥梓材召誥洛誥多方多士立政無逸君
奭顧命呂刑文侯之命費誓秦誓二十八篇今古文之說詳卷之三
詩者周代之歌也亦孔子所刪分風雅頌三類諸國之歌
謠曰風燕饗朝會之樂歌曰雅宗廟之樂歌曰頌孔子手
定者三百十一篇今存三百五篇笙詩六篇有其義而亡
其辭

春秋者魯史記也古者左史記言右史記事事為春秋言
為尚書孔子既纂書復取春秋筆削之正名顯實以討僭
亂始魯隱公元年終哀公十四年其後十六年之文弟子
所續也公羊穀梁左氏皆為之傳左氏三十卷敘事最詳
東周二百五十年五霸功業列國盛衰悉具是書又國語
二十一篇國別為語與左氏相表裏或稱為春秋外傳戰
國策三十二篇記戰國人之籌策多從橫權詐之言周代
古史可考者惟此三書

儒者立六經之目謂詩書禮樂易春秋也樂書失傳其論
散見於禮書中故又稱五經禮有周禮儀禮禮記此小戴所傳詳
卷之謂之三禮周禮本名周官敘天地四時六官天官大
三官大司徒春官大宗伯夏官大之職事相傳以為周公所
司馬秋官大司寇冬官大司空作然其言不盡合於周制殆出於後人所竄亂儀禮記冠

歷代史略卷一
婚喪祭燕射朝聘之制蓋周公所作今存十七篇禮記之
作出自孔門或錄舊禮之義或錄變禮所由或兼記體履
或雜序得失秦漢諸儒附益所作合爲四十九篇唐代立
五經於學官禮獨取禮記後遂相沿不廢

易書詩春秋三傳三禮之外有論語孝經爾雅孟子四經
合稱十三經論語者孔子及門弟子之語而後人所輯而
撰錄也孝經蓋曾子弟子所輯皆孔子與曾子論孝之語
爾雅十九篇或言首篇爲周公作餘則孔子與子夏所增
孟子七篇皆孟子自著

周秦諸子之書流傳於世者數十部儒家以荀子爲最道
家以老子莊子列子爲最墨子及晏子春秋墨家之所主
管子商子韓非子法家之所宗也四家大旨略載於次篇
又兵家有孫吳尉繚子從橫家有鬼谷子孫子者孫武之
書吳子者吳起之書也吳起仕魏楚見第五篇孫武與尉
繚出處不明或曰武事吳王闔廬建軍功然左氏詳敘吳
事未嘗及武其書辭理精絕儒者亦盛稱之鬼谷子卽所
謂鬼谷先生蘇秦張儀之師也其書專論陰謀權術或以
爲卽蘇秦所作

第八篇 教育及學派

第一章 學校制度

虞舜立教首重明倫立上庠下庠行養老之禮以樂官主學事教君及諸臣之適子夏立東序西序商立右學左學皆以養老教士而掌學之官不詳上庠東序右學為大學在國之郊下庠西序左學為小學在國中大小二學皆國學也虞時未聞有鄉學夏商始有之夏曰校義主教育商曰序義主習射

周代學制視虞夏商加詳王之小學一曰東膠在國中大學四曰辟雍虞庠東序瞽宗在四郊皆國學也鄉學則黨

有庠州有序鄉有校皆爲大學家塾爲小學國之小學掌於保氏大學則大樂正大司成掌之而總其成於大司徒鄉校掌於鄉大夫州序掌於州長黨庠掌於黨正諸侯不得擅立學天子命之教然後爲學其國學曰泮宮

小學以禮樂射御書數爲教科謂之六藝大學則春秋教禮樂冬夏教詩書謂之四術春夏兼教干戈秋冬兼教羽籥國之有道者有德者使教焉死則祀之於學稱爲先師學官四時率學者釋奠國學鄉學以時舉行養老飲酒之禮以示民孝弟

王侯及士庶之子皆以八歲入小學十五入大學卿大夫

士庶人之子既入鄉之大學鄉大夫論其秀者升之司徒曰選士司徒論士之秀者升之國學曰俊士俊士入學稱爲造士間一年卽校其學之進否七年而小成九年而大成大樂正乃論其秀者升諸司馬曰進士司馬定其論然後王官之其在學不帥教者大樂正告於王王爲視學以化導之不變然後屏之遠方終身不齒

唐虞三代教學之統皆在君相倫物修明道藝一貫士民之才智者畢萃學校浸淫於詩書禮樂之化無敢或貳周衰聖君賢相不作學校之制寢墮始有以矯激之說創爲異端如老子者孔子睹世之弊力倡古學思復周初之盛

而世不用僅得垂空文以自見孟子當戰國時亦思興學
校行仁義世益以爲迂而同時諸子爭出新說以鳴於世
列莊騁虛無之辨申韓炫法術之學墨主兼愛楊尙爲我
蘇張爲從橫荀卿論性惡宋鉞尹文鄒衍慎到之屬亦各
騁其雄辯民風士氣囂然不靖以成秦楚之亂故欲知世
運之變當知學校之廢興及周秦諸子之學派也

第二章 孔孟及荀子

孔子名口字仲尼魯人也生而好禮爲兒嬉戲常陳俎豆
設禮容及長以知禮聞遊歷列國與士大夫博物者遊觀
書於周益爛典禮居恆温而厲威而不猛恭而安動容周

旋皆中禮

孔子少時貧賤嘗爲委吏乘田必盡其職比三十餘歲避
魯亂適齊齊景公欲以卿位待之而不果遂反魯以詩書
禮樂教弟子四方來學者甚眾後爲魯司寇定公用之不
終事見第四篇孔子去魯之列國所至不遇畏於匡鄭邑
今直隸大名府厄於宋徬徨於鄭衛窮於陳蔡之間六十八歲
而歸魯修禮正樂筆削春秋以周敬王四十一年卒時年
七十三葬魯城北泗上門人皆心喪三年魯人徙居近其
冢者百有餘家因名曰孔里魯世世相傳以歲時奉祠諸
儒講禮於塚側後世因其故堂作廟藏孔子衣冠琴書號

歷代史略卷一
爲聖廟

孔子博學而多能詩書六藝無所不通而一約之以禮遠宗堯舜近法文武論學論政必從周代以示尊王之義其言行務爲中庸不尚隱怪論治國必本之於修身修身必本之於倫常以仁爲眾德之宗以克己復禮爲爲仁之道性命天道蓋罕言之嘗自明所學曰述而不作信而好古蓋孔子於上古聖人之禮教皆篤好而深信之故孟子以孔子爲能集羣聖之大成

孔子誨人諄諄不倦弟子眾至三千知名者七十餘人顏回最賢傳孔子博文約禮之學貧而早死孔子哭之慟曰天喪子曾參閔損皆純孝孔子稱之冉耕冉雍有德行與顏閔齊名宰子端木賜善爲說辭冉求仲由長於政事言偃卜商長於文學有若顓孫師公西赤之徒亦各有所得諸子出處不詳仲由冉求冉雍皆嘗爲季氏宰端木賜言偃皆仕魯仲由後仕衛孔氏遭亂而死卜商字子夏孔子沒後居西河教授魏文侯所師者是也孔子生鯉先孔子卒鯉子伋字子思學於曾子名顯於諸侯孔子裔孫代有達者歷代帝王奉孔子爲先師求其後尊以爵秩以祠聖廟至今不絕

孔子沒後百有餘年孟子得其道以傳於世孟子名曰騶

春秋邾國今山東兗州府鄒縣人也受業子思之門人道既通適魏魏惠王不能用遊事齊宣王在三卿之中不遇而去往來於宋魯滕薛之間欲行其道以濟民卒無知者退與萬章公孫丑之徒作孟子七篇

孟子之學兼通五經尤長於詩書自明所願學者惟孔子尊仁義黜功利述周家井田世祿學校之制拳拳以教民養民爲念排斥桓文之霸業說齊魏之君以行仁政而王然戰國方務富強聞所謂王政莫不以爲迂闊孟子已不得志於諸侯慨然以明道自任疾世人以性爲不善甘於爲惡乃唱性善之說謂人皆有仁義禮智之端擴而充之

雖堯舜不難至尤惡楊墨曰楊氏爲我是無君也墨氏兼愛是無父也無父無君是禽獸也歷代學者以孔孟並稱元明以來尊爲亞聖

荀卿名況趙人也少遊學於齊至襄王時荀卿最爲老師

後適楚春申君以爲蘭陵

春秋鄆國今山東兗州府嶧縣

令坐事廢因家

蘭陵推儒墨道德之行事興壞著書數萬言而卒其書論禮最詳率述周制排擊墨子之尙儉非樂以爲不知文其斥神怪災祥形相之說具有卓識惟論性與孟子相反曰人之性惡其善者僞也蓋有激於衰世而云又其書有非十二子篇詆子思孟子以爲飾邪說與慎墨宋惠之徒并

稱儒者以是疵之然是篇或出於僞作其學大致合於儒

第三章 老子及楊墨列莊

李耳字聃楚苦邑

今河南歸德府鹿邑縣

人也世謂之老聃與孔子

同時仕周爲藏書室之史見周衰去之西至關關尹喜曰子將隱矣強爲我著書於是老子乃著書上下篇言道德之意五千餘言而去莫知其所終老子之文簡奧難解大旨言道存於自然不假人爲仁義者道之廢也禮樂者德之薄也柔弱謙下虛靜無爲是謂玄德柔能制剛弱能勝強謙下不爭則天下莫能與之爭老子不尙唐虞三代之治世謂其說本於黃帝遂有擬作黃帝書者故號曰黃老之道漢以後道教盛行尊老子曰道德經

自老子一倡異說楊朱墨翟列禦寇莊周之徒相繼起焉楊朱之說主自愛逸身不要名利從性而遊不逆萬物拔一毛而利天下不爲也悉天下以奉一身不取也楊朱不知何國人其書不傳

墨翟宋大夫也其說主兼愛疾世之侈靡尙儉約節用論聲樂之弊辨厚葬久喪之害又信鬼神之賞罰而非天命前定之說稱禹之形勞汜愛博施不避窮苦雖摩頂放踵利天下爲之墨子之徒甚衆生不歌死不服衣褐穿躡奔走四方墨子書今存五十三篇墨家有晏子春秋蓋墨子

之徒撰之晏嬰以儉名於世故墨者述其行事以明已術
列禦寇鄭人也當周安王時其說宗老子一死生齊是非
虛靜無為以求合於道

莊周宋之蒙

邑名故城在河南歸德府城東北

人也為蒙漆園吏博學善

屬文著書十餘萬言率寓言也其說近於列子離儒墨之
是非洸洋自恣文極奇變

第四章 名法諸家

附稷下諸子及屈原

名家起於宋鉞尹文而惠施公孫龍之屬繼之鉞宋人與
孟子同時尚名法惡攻戰上說下教見侮不辱忍饑寡欲
急於救民頗類墨者尹文與鉞同居齊稷下

稷山名在齊都南號

稱能言著尹子二卷惠施與莊子同時嘗為魏相公孫龍
趙人也其學務為詭辨飾辭巧譬倒是非淆真偽繳紛爭
言以相樂施著惠子一篇龍著公孫龍子十四篇今俱不
傳

稷下者齊宣王館賓客之所也宣王好文學遊說之士賜
列第尊寵之淳于髡騶衍慎到田駢騶奭之徒七十六人
皆為上大夫不治事而議論於是稷下學士盛且數百千
人淳于髡學無所主博聞強記稱為多智騶衍之言怪迂
而闕大然要歸於仁義後為燕昭王師慎子述名法非世
之尚賢申韓劇稱之田駢騶奭皆著書今不傳

法家以李悝爲祖申不害商鞅次之韓非又次之四子之事略見戰國篇中管子書雖託名管仲蓋成於後人述管仲治國之術不盡可信然其重賞罰任法而不任智及富國強兵之策法家多祖尙之

李悝集諸國刑書著法經六卷商鞅傳之改法爲律中國歷代法律實原於此書申商皆有著書申子今不傳商子之論略同管子而加刻薄正與鞅行事相類韓非兼取申商之意著書五十五篇其言曰商鞅爲法而無術申子有術而法不一法者官之所師也術者主之所執也此不可一無皆帝王之具也非之學有得於老子假其虛靜之說

以神法術之用蔑仁義厲刑名慘礪刻深大悖人性故終不容於世

戰國學士長於論辯而乏雅韻古樂既亡無復雅頌之作獨屈原以楚辭著焉屈原楚世家也爲懷王左徒志潔行廉明於治體王甚任之後以讒見疏作離騷以自訴頃襄王又遷之於江南遂投汨羅水名在湖南長沙府湘陰縣而死屈原之辭悽惋動人怨而不恚紹風雅之遺音爲後世詞賦之祖

三代世系

夏 姒姓受虞禪凡十七世四百有餘年為商湯所滅

一 大禹

二 啟

三 太康
四 仲康

五 相

六 少康

七 杼

八 槐

九 芒

十 泄

十一 不降
十二 局

十三 孔甲
十四 履

十五 皋

十六 發

十七 桀癸

商 子姓契之後滅夏代之凡三十世六百有餘年盤庚以後又號殷為周武王所滅

一 成湯履

二 太丁

三 太宗太甲

四 小甲

五 外丙
六 沃丁

七 雍己

三仲王 六太康 九中宗太戊

十仲丁

七外壬

五河亶甲

四祖乙

五沃甲

七南庚

五小乙

三高宗武丁

四祖庚

五廩辛

七武乙

五文丁

三帝乙

四祖甲

五庚丁

七盤庚

五陽甲

三紂辛

周姬姓后稷之後滅商代之凡三十七世八百六十七年平王以後曰東周為秦昭襄王所滅

古公大王 亶父 公季王季 歷 西伯文王 昌

一武王發 二成王誦 三康王釗 四昭王瑕

五穆王滿

六共王伊扈

七懿王囂

九夷王燮

十厲王胡

五宣王靜

三幽王宮涅

五平王宜臼

太子洩父

四桓王林

五莊王佗

六僖王胡齊

七惠王閔

六襄王鄭

五頃王壬臣

三匡王班

三簡王夷

五靈王泄心

四景王貴

五悼王猛

三貞王介

六元王赤

五哀王去疾

三思王叔

三威烈王午

五敬王匄

三

世考王鬼

世安王驕
 世烈王喜
 世顯王扁
 世慎靚王定
 世赧王延

齊晉及七國世系

齊侯爵姜姓呂氏太公望之所封至桓公霸諸侯有國三十二世七百五十年為田氏所篡



晉侯爵姬姓武王弟唐叔虞之所封至文公始霸有國三十九世七百三十年為魏趙韓氏所分

文公重耳

襄公驩

靈公夷皋

桓叔捷

成公黑臀

景公獯

厲公州蒲

惠伯談

悼公周

平公彪

昭公夷

頃公去疾

定公午

出公鑿

桓子雍

懿公驕

幽公柳

烈公止

孝公頤

靜公俱酒

楚子爵羊姓熊繹之所封至武王始大有國四十一世八百七十若八九十年為秦王政所滅

武王熊通

文王熊資

杜敖黷

成王頤

穆王商臣

康王昭

郊敖麋

莊王旅

共王審

靈王圍

惠王章

簡王仲

平王居

昭王壬

肅王臧

聲王當

悼王類

宣王良夫

威王商

懷王槐

頃襄王橫

某 義帝心

考烈王完

幽王惇

哀王郝

王負芻

後齊侯爵媯姓田氏虞舜之後陳侯之支族世為齊卿周威烈王時田烈為諸侯有國七世百六十

六年為秦所滅

一 太公和 二 桓公午 三 威王因齊 四 宣王辟疆

五 潛王地 六 襄王法章 七 王建

魏侯爵姬姓魏氏武王弟畢公高之後世為晉卿周威烈王時魏斯為諸侯有國九世百七十九年為秦所滅

一 文侯斯 二 武侯擊 三 惠王滎 四 襄王嗣

五 哀王 六 昭王濞 七 安釐王圉 八 景閔王增

九 王假

趙侯爵嬴姓趙氏伯益之後世為晉卿周威烈王時趙籍為諸侯有國十一世百八十二年為秦所滅

一 烈侯籍 二 敬侯章 三 成侯種 四 肅侯語

三 武侯 四 武靈王雍 五 惠文王何 六 孝成王丹

九 悼襄王偃 十 幽繆王遷

七代王嘉

韓侯爵姬姓韓氏晉侯之支族世為晉卿周威烈王時韓虔為諸侯有國十一世百七十四年為秦所滅

一 景侯虔 二 烈侯取 三 文侯 四 哀侯 五 懿侯

六 昭侯 七 宣惠王 八 襄王倉 九 僖王咎

十 桓惠王 十一 王安

燕伯爵姬姓召公奭之所封至文公列於七雄有國四十三世九百年為秦所滅

一 文公 二 易王 三 王噲 四 昭王平 五 惠王

秦伯爵嬴姓伯益之後東周初襄公始封至穆公霸西戎至昭襄王滅周為諸侯三十一世五百五十年卒為皇帝

世 武成王 — 世 孝王 — 世 王喜

九 穆公任好 — 十 康公罃 — 十一 共公和 — 十二 桓公

十三 景公 — 十四 哀公 — 太子夷公 — 十五 惠公 — 十六 悼公

十七 厲共公 — 十八 天 躁公 — 昭子 — 十九 靈公 — 二十 獻公師隰

二十一 懷公 — 二十二 簡公 — 二十三 惠公 — 二十四 出子

二十五 孝公渠梁 — 二十六 惠文王駟 — 二十七 悼武王蕩

二十八 昭襄王稷

二十九 孝文王柱 — 三十 莊襄王楚 — 三十一 王政是為始皇帝

周秦列王在位年數

周 三十七王 八百六十七年

武王 為西伯 十二年在位七年 成王 七年 康王 二十六年

昭王 五十年 穆王 五十年 共王 十二年 懿王 二十五年

孝王 十五年 夷王 十六年 厲王 五十年 宣王 四十六年

幽王 十一年 平王 五十年 桓王 二十一年 莊王 十五年

僖王 五年 惠王 二十五年 襄王 三十年 頃王 六年

匡王 六年 定王 二十一年 簡王 十四年 靈王 二十七年

景王 二十五年 悼王 不踰年 敬王 四十四年 元王 七年

貞王 二十八年 哀王 不踰年 思王 不踰年 考王 十五年

威烈王

二十四年

安王

二十六年

烈王

七年

顯王

四十八年

慎靚王

六年

赧王

五十九年

秦有四年

惠文王

四十四年

昭襄王

五十六年

孝文王

一年

悼武王

四年

昭襄王

五十六年

其五

孝文王

一年

莊襄王

三年

王政

在王位

二十五年

明年稱皇帝

威烈王二十四年

安王二十六年

烈王七年

顯王四十八年

慎靚王六年

赧王五十九年

秦有四年

惠文王四十四年

昭襄王五十六年

其五

孝文王一年

悼武王四年

莊襄王三年

王政在王位二十五年

明年稱皇帝

